



6
20-b
77




Ex Bibliotheca
majori Coll. Rom.
Societ. Jesu

6-20-24

21-g-22.





LUDOVICI CAIETANI
DE LIMA
CLER. REG.
CARMINUM
LIBRI III.

ANTIQUIORIS, BENEVOLIQUE AMICI
Curâ in lucem editi.



OLISIPONE,
Ex Typis JOANNIS BAPTISTÆ LERZO.

Anno M. DCC. XLIII.

Solitis facultatibus obtentis.

THE

AMERICAN

LIBRARY

OF THE

FACULTAS S AN C T I O F F I C I L

EMINENTISSIME DOMINE.

Pari aviditate, ac voluptate perlegi, inspe-
xique Epigrammata hæc Rever. P. D. Lu-
dovici de Lima. In illis nihil Censura dignum,
sed omnia laude deprehendi. In omnibus nam-
que, si conceptus quæras, acumen; si verba
ponderes, proprietatem, elegantiam, eloquen-
tiamque; si verò regulas poeticæ examines,
omnes ad unguem observatas miraberis. Epi-
grammatis quoque addit Epici gravitatem, ver-
sus, saphicique dulcedinem, qua supremi, tre-
mendi judicii amaritudinem (ut ut fieri po-
test) condire satagit, & canendo mulcere, &
memorando cavere. Hinc est, quòd credam,
opus hoc omni ex parte dignum, quòd pu-
blici juris fiat; ut pateat omne in eo pun-
ctum Authorem tulisse. Ulyssip. in Congre-
gatione Oratorii 2. Aprilis. 1743.

Philippus Tavares.



ORDINARI I.

EXCELLENTISSIME DOMINE.

EX imperio V. Excellenciæ legi Epigrammata a R. P. Ludovico de Lima Clerico Regulari affabre elaborata, & in tres Libros digesta. Legi, inquam, non ut Aristarchi munus agerem, mordaci-ve Lima uterer, sed potius ut Opus ultima lima expolitum citrà adulationem commendarem. In hoc igitur Opere æquè delectat rerum varietas sale condita, & carminum acumen. In varietate Ovenium æmulatur, in carminum, & dictorum acumine ità Martialem æquat, ut de ingeniosissimo Authore non incongruè dici possit.

Omne tulit punctum, qui miscuit utile dulci.
(Horat in Art. Poet.)

Utile, inquam, iis enim Epigrammatibus, non solum tyrones, & poæticiæ artis candidati, sed etiam veteres, & jam rude donati Parnasi cultores, Musarumque concives erudiri possunt. Dulce; elegans siquidem, concinnaque carminum structura ita legentium oculos allicit, ut mirâ quadam dulcedine animos, mentesque inescet. Cùm ergò
his

his Epigrammatibus aptari non possit, quod
de suis carminibus Poëtarum Princeps pro-
nunciavit :

Defuit & scriptis ultima lima meis.
(Ouid. lib. 3. eleg. 6. Trist.)

Nè furtum, aut injuria fiat Reipublicæ
Litterariæ, typis mandari debet opus, ut à
peritis nocturnâ, diurnâque manu versari pos-
sit, si V. Excellenciæ placuerit. Ulyssip. in
Domo Professâ D. Rochi Societ Jesu 30. Apri-
lis 1743.;



Antonius Ferreira.

SENA-


SENATUS SUPREMI.

DOMINE.

L Egenti mihi, ac relegenti pari studio, & voluptate Reverendi admodum Patris D. Aloysij de Lima in tres Libros, seu classes distributa Epigrammata, quædam se offerunt, quæ alicui fortasse videbuntur parùm religiosa, imo perfidiam sapientia. Neque hunc saporem videtur Author eluere protestatione ad calcem subscripta, quòd Fata, Numina, Deos, Jovem, aliasque hujusmodi voces adhibeat Latini Sermonis integritati consulens, easque non nisi Christiano usui, notionique subjectas usurpet: prius enim consulendum puritati Romanæ Fidei, quàm Sermonis: atqui non satis servare incorruptam Religionem apparet, qui Neptuno, Apollini, Cereri, Junoni, aliisque Dijs gentium commentitiis vota nuncupat, preces destinat, aras consecrat, honores immolat: ut præsertim in 4. 24. 33. 38. 42. Epigrammatum primæ Classis, seu Libri, Author præstat. Sed quis iste oblatrator, qui caninis vociferationibus Pindum attonat, ejusque cultorem excultissimum dentibus exertis, & invidiæ toxico lividis insectatur? Absit, ut Martialis Christianus, cum Neptuno, Apollini, Cereri, Junoni vovet, litat, precatur, plura, & falsa Numina

mina vel animo complectatur, vel ore efferat, sed unam, eandemque Deitatem nunquam non sollicitet, summam, & veram: quam videlicet, dum mare regit, Neptunum, dum agris opitulatur, Apollinem; dum terram facundat, Cererem; dum nuptiis favet, Junonem rite appellitat, nominibus omni ethnica usurpatione expiatis, atque in usum, sensumque orthodoxum Sanctissimo Pierij Senatûs Consulto scite deflexis. Taceat igitur, & toto exulet Parnasso, quisquis impius oblatret in nostrum omnibus numeris absolutum Epigrammatographum: cujus si nomen, luce enatum consideres, poetarum nemo illustrior; si cognomen e Lima ductum, nemo Limatior; si genium, nemo blandior; si ingenium, nemo cultior; si eruditionem, nemo vastior; si eloquium, nemo facundior; si Rhythmum, nemo suavior; si musam, nemo festivior; si versum, nemo tornatior; si mente conceptum, nemo subtilior; si dictum, nemo gravior; si doctrinam, nemo sanior; si Religionem, nemo purior, nemo integrior, nemo illibator. Porro censeo tanti Martialis opus, vel dicam potius Lusitani Apollinis monumentum, ut ore omnium versetur, & manibus, suisque ubique gentium excipiat plausibus, typis credendum; ac luce, qua privata a suo Authore jam fruitur, publica à Maiestate Vestra donandum. Lisbonæ in Domo Professæ Divi Rochi 30. Maij. 1743.

Bartholomæus de Vasconcellos LU



(1)

LUDOVICI CAIETANI

DE L I M A

CLER. REG.

CARMINUM
LIBER I.

*Amicum precatur, ut sibi missos
Libellos emendet.*

EPIGRAMMA I.

CArmina, quæ lusi invitâ fortasse Minervâ,
Hæc tua perpoliar docta litura, velim.
Quidquid in his vitii, quidquid deforme notabis,
Huic miniata fiet Cerula grata comes.
Doctior haud alius Centoris munere fungi,
Scireque qui maceant Palladis arte sacræ,
Pindi celsa tibi referat penetralia Phœbus,
Ut valeas Dio comminûs ore frui.
Te Latii sermonis honos, te copia ditat;
Et renovas chartis sæcula prisca tuis.

A

Quin

Quin & Pieriâ imbutus dulcedine pectus ;
 Orphei sollicitas dignius ipse chelyn.
 Dexter adeste meis placeat si fortè libellis ,
 Et facilis vultu carmina nostra feras :
 Non ego Prætoris vereor perterritus urnam ;
 Rodat multa licet pectora Livor edax.

*Ad librum suum, quem ad exte-
 ras Regiones mittit.*

EPIGRAMMA II.

I Liber ; & notos felix invise Penates ;
 Atque moræ impatiens carpere perge viam.
 Non te detineant pigri gelidique Triones,
 Nec concreta gravi terreat unda gelu.
 Dulces docta modos ibi gens charissima degit ;
 Gensque sciens cytharæ , Pieridumque comes.
 Excipiet te blanda domi, hospitioque fovebit,
 Atque dabunt aptum scrinia pulchra locum.
 Non minus Oenotriis quàm vel succefferis Oris ,
 Hospita tecta tibi pandet amica domus.
 Incolit has etiam proles Latio sedes ;
 Carminis hicque ferax castalis unda fluit.
 Eia age, perge liber ; rostro qui rodât adunco,
 Nullus ibi vultur ; livor & omnis abest.

(3)

*Excellentissimus Galliae Legatus convi-
vator magnificus, & assiduus.*

EPIGRAMMA III.

JUre putant homines epulis accumbere Divum;
Instituunt lautas quum tua iussa dapes.
Mensae aliae alliciant structae miro ordine Reges;
Mensa haec convivas poscit habere Deos.
Quidquid alit tellus, quidquid mare, quidquid & aer;
Hoc tua mox profert officiosa penus.
Huc coeunt Junonis aves, huc Phafidis ales;
Hucque venit perdix non satis apta thoro.
Cernitur hic salmo, tractusque Acipenter abundis;
Et fluvialis honos, grataque praeda lacus.
Massica pura cadus, campanaque caecuba fundit;
Proferturque Chius, Lesbius atque Latex.
Mille hic argenti coelati pondera fulgent;
Vasque Mentorea plurima sculpta manu.
Sed licet assiduo instaures convivia luxu,
Rara alibi structa est hospita mensa tibi.
Insimulare alios comis tamen ipse recusio:
Parcius invitant, quod tua mensa frequens.

(4)

*Votum Neptuno pro classe è portu
in Indiam solvente.*

EPIGRAMMA IV.

Quæ patrio, Neptune, rates è littore solvunt,
Fac, possint tutò verrere stagna maris.
Tu potis est motos nutu compescere fluctus,
Et pelagi tumidas flectere voce minas.
Æolus æterno ventos fac carcere frænet,
Tranquillo & spiret dulcior aura freto.
Sic tibi Circenses initauret martia ludos
Roma, & Cecropiæ stet tibi sedis honos;
Sic tua Tœnario caleant altaria thure,
Spartaque sollicitè sic tua templa colat.

Amici Natalis dies.

EPIGRAMMA V.

Alma dies propera nostras invisere sedes;
Ingeminaque urbi gaudia blanda redux.
Munera, quæ nobis largita es, fausta tuere;
Fac etiam felix totus ut annus eat.
Hoc domus exposcit, superos hoc ritè precatur;
Urbis & hoc pàllim vota iterata petunt.

Scite

(5)

Sic te nimbosus nunquàm deturpet Orion ;
 sic te nec densa grandine foedet hyems.
Sic tibi festino Titan affulgeat ortu ;
 Tardior & fessos æquore mergat equos.

Taurorum agitatio.

EPIGRAMMA VI.

B Arbara Romulæ fileant spectacula gentis ;
 Nec jactet ludos plebs Tiberina suos.
Qui modò festivè nostrâ præstantur in Urbe ;
 Ingenium hi nobis mitius esse probant.
Non hîc defævit rubrâ gladiator arenâ ;
 Corpora nec laniat bellua sæva virûm.
Doctus eques torvos agitare in prælia tauros ,
 Gaudia dat tutò , credit & arte feras.
Hinc populi sequitur plausus , quin ingruat horror :
 Nostrisque hinc ludis gratia maior inest.

De sene avaro.

EPIGRAMMA VII.

J Am tua deturpant albentes tempora crines ;
 Et matura tibi , summaque messis adest.

Te tamen urget adhuc rerum furiosa cupido ;
 Nummum & sollicitus tempore crescit amor ;
 Tristis avaritiæ rabies tua viscera rodit ;
 Pallor inextinctam prodit & ore sitim.
 Nulla inopum tibi cura subest ; Altaria Divum
 Sacra tuo nunquam thure calere tacis.
 Pondera sic auri ferratâ condis in arcâ ,
 Urna brevî cineres condet ut arcâ tuos.
 Quas temerè absumet gazas inglorius hæres ;
 Has impende pius , dum licet , ipse manu.

*De tranquillitate vitæ , quâ frui-
 tur Aulus , ad exemplum
 Martialis.*

EPIGRAMMA VIII.

Non urbana pati Spartani frigora saxi ;
 Nec solet albatis candidus ire comes.
 Stemmata non Auli præfulgent atria longo ;
 Tecta nec immodicis intus imaginibus.
 Synthesibus non arca micat , non præla lacernis ;
 Galbana , nec coccus , non toga plexa placet
 Farta Ceres propriis premittitur , nec plurima clivis ,
 Raraque , sed senior Cæcuba testa flagrat.
 Mentoris eximios irridet mensa labores ,
 Atque merum pateris purpurat innocuis.
 Nunc iteranda Aulo , rogitas , an vota supersint ?
 Hoc unum : noscat quod bona tanta probé.

Amicus

(7)

Amicus ex inimico.

EPIGRAMMA IX.

Quos hucusque odiis certantes vidimus urbe ;
Hos modò conjungit foedere pacta fides,
Discessere itæ , sedat concordia motus ;
Nemoque fulminas parturit ore minas.
Nil mirum : excipiunt veris sic tempora brumam ;
Nubibus & sparsis sic redit alma dies.

*In amicum frequenter medicamen-
tis utentem.*

EPIGRAMMA X.

P Arciùs utaris validà medicaminis arte ;
Doctâ nec studeas cuncta fovere manu.
Non opus est sumas leviori pharmaca morbo :
Sponte suâ tenuis febris abire solet.
Sæpè etiam requies minuit , pellitque dolorem ;
Et coeunt nullo vulnera fota oleo.
Non opus est jaculo leporem sceteris inertem ;
Utque abigas cætrum , non eget ense latus.
Nil quod agas superest , gravior quàm morbus adhæret ,
Si levis exhaustis pharmaca cuncta timor.

Summa.

*Summa latronum protervitas, &
impunitas.*

EPIGRAMMA XI.

PRædonum malè fida cohors, mercuria proles,
Urbem sollicitat nocte, dieque simul.
Nullum clausa latent domuum penetralia furem;
Nullaque jam tutas arca recludit opes.
Ædes, templa, Lares, Divumque sacraria vexat,
Diripit indomita condita quæque manu.
Hæc gessitè parum: nondùm saturata quiescit;
Torquet adhuc nummùm pectora dira sitis.
Quò furat impunis, rapuit quoque judicis urnam,
Furcamque, & meritas abtulit urbe cruces.

Importunus saluator.

EPIGRAMMA XII.

Officiosus ave dicturus compita quæris;
Quàm vasto emergunt gurgite solis equi.
Nec minùs Occiduas quàm Sol festinat ad undas,
Ferre soles cunctis officiosus ave.
Siste saluator: veniet sic parva labore
Tuta salus aliis, sed tibi nulla quies.

Amba-

(9)

*Ambulator perpetuus, nunquam
sistens.*

EPIGRAMMA XIII.

S Tare loco nescit Paulus, nescitque federe;
Atque moræ impatiens itque, reditque viam;
Atria vix iniens domuum penetralia lustrat,
Atque alacer cursu limine rursus adest.
Devorat ille vias: Arcton citò jungit & Austrum;
Jungit & Eoas, Hesperiasque plagas.
Tanti gesta viri quænam sint, fortè requiris?
It celer, & remeat, fertque, refertque pedem;

Avarus mortem sibi exoptans.

EPIGRAMMA XIV.

I Mmanes qui foedè auri cumularat acervos;
Clausaque cui miseras arca flagellat opes.
Nunc extrema sibi properari fata peroptat;
Luceque fastidit, divitiisque frui.
Non tamen hunc credas prætesum degere vitæ;
Illa quodd æternis sit maculata notis:
Carpere vitales detrectat longius auras,
Nè senio absumat, quas cumulavit, opes,

B

Avari

(10)

Avari magnificum Sepulchrum.

EPIGRAMMA XV.

URna sepulchralis, sacrâ quam cernimus æde;
Quàm benè, quàmque extat divite structa manu!
Æmula Mausoli sit moles ista sepulchri,
Caria quod doctâ condidit arte vetus.
Non tamen hac Princeps ullus componitur urnâ;
Nec procerùm cingres artificiosa tegit.
Hanc fieri impensam moriens præcepit avarus,
Quùm servare aliter non sibi posset opes.

Navium speculator stolidus.

EPIGRAMMA XVI.

HOSpira quàm puppis nostris adlabitur oris;
Solvit & è patrio littore quæque ratis:
Haud mora: festino cursu contendit anhelus
Ponticus, & velox incubat ille mari.
Hinc navi intendens animum specularur ab alto;
Annè vehat merces, militis annè capax.
Nùm Gallos, Anglosvè ferat, Batavosvè requirat;
Annè vel Oenotriis solvitur illa plagis.
Sedule qui cunctas scrutaris, Pontice, puppes,
Elige, quâ nequeas nunc remeare, ratem.

In

(II)

In eundem Speculatorem.

EPIGRAMMA XVII.

SÆpè aciem in pelagi protendis sedulus undas ;
Scire volens quasnam sustinet ille rates.
Forſan ab Eò expectas tibi littore gazas ,
Vel quas Australis terra recondit opes ?
Deſine curarum : ſubeant licet undique puppes ,
Nulla tibi mentem navis amica trahet.

*In malum Poetam , alienorum
carminum raptorem.*

EPIGRAMMA XVIII.

Q Uem modò vulgaſti malè ſanà mente libellum ;
Carpere qui poſſit, Lentule , nullus erit.
Omnia Theſſalium ſapiunt tua carmina Pindum ,
Splendet & his Latii gloria priſca modis.
Scilicet excubis pretioſa volumina vatū ,
Aurea quos Orbi ſæcla tulere priùs.
Illic ſæpè Maro compareret, ſæpè Tibullus ;
Sæpè etiam Naſo , Sæpè Catullus adest.
Ergò nè ſacros Parnaſſi lædat alumnos ,
Carmina nullus erit, qui tua carpat iners.

B ii

Mæcenat

Mæcenat avarus.

EPIGRAMMA XIX.

TE Mæcenatem nostrâ vis urbe vocari,
 Teque legi docto carmine multus aves;
 Jam tibi dimidium præclari nominis hæret,
 Scribit dum libros plurima turba tibi.
 Quod deest dimidium propriis tu viribus adde:
 Præmia, fac, veniant vatibus apta tuis.

*De decoctore, qui amplum patri-
 monium brevî absumpsit.*

EPIGRAMMA XX.

QUOD patris diuturna manus congesserat aurum;
 Quæque emit pinguis jugera multa soli;
 Jam decocta abeunt vesano hæc omnia luxu,
 Jamque brevî natus dilapidavit opes.
 Sic umbris fert iusta piis, patrique parentat;
 Sicque sacrare aras manibus ille putat,
 Has tamen inferias patri si nosse liceret,
 Anxius optaret vivere posse diù.

(13)

De sene lusibus, choreisque frequenter indulgente.

EPIGRAMMA XXI.

B Is jam tricenâ campus tibi servit aristâ ;
Jamque tuo roseus decidit ore decor.
Tempora Cycnæo tua sunt aspersa colore ,
Membraque languescunt , firmus & antè vigor,
Hæc quùm nota sient properantis signa senectæ ,
Spreta jacent , solitos agglomerasque jocos.
Lusibus haud poteris stygias captare sorores ;
Occupat heu luctus gaudia sæpè miser.

De verâ libertate.

EPIGRAMMA XXII.

S I tibi libertas cordi est , si mente cupita ;
Hoc vigil incedens tramite liber eris.
Liber eris , si docta fori certamina vites ,
Sique salutantis spernere munus ames.
Si non albatam turmam comes ipse sequaris ,
Ambitus atque tibi sordeat urbe frequens.
Liber eris , pelago navem si credere nolis ,
Pectus sique terat nulla lubido tuum.

Si

Si potis es tumidæ ridere palatia gentis ;
 Sique hilaris patrios incolis ipse lares ;
 Si tibi parca seges flaventes mittat aristas ,
 Condita sique fient Massica pauca cadis ;
 His incumbere vigil , tutos hos arripe calles ;
 Sicque valens parcè vivere , liber eris.

*In celeberrimum Pictorem , se
 ipsum scite pingentem.*

EPIGRAMMA XXIII.

A Rtis Apellææ columen qui firmius extas ;
 Et renovas Graiæ munera prisca manûs :
 Siste : tuam noli pingendo reddere formam ;
 Sat tua te quævis picta tabella refert.

Votum Apollini pro amici valetudine recuperandâ.

EPIGRAMMA XXIV.

F Lave comam , roseoque genas imbutæ rubore ;
 Annue tu precibus , pronus Apollo , meis.

Ægris

Ægris doctus opem, miserisque afferre salutem,
 - In cassum ire queant, nè mea vota finas.
 Quem modò dira lues languescere cogit amicum,
 Febris cuique æstus pallida membra coquit:
 Olli suppetias propera jam ferre salubres,
 Solertique arce proxima fata manu.
 Sic tua sacra Claros, Tenedosque, & Delphica tellus
 Instaurent donis, & tua templa colant.
 Sic Thymbræus ager, Pataraeque serviat Aulæ,
 Grinæi & nemoris stet tibi semper honos,

In maledicum.

EPIGRAMMA XXV.

CERNIS sæpè meos obliquo lumine versus,
 Et quæ scire nequis, stulta, & inepta putas;
 Non tamen irarum fluctus sub corde voluto,
 Carmina nec rodo dente furente tua.
 Eia age: sollicitas expelle è pectore curas:
Non potes hoc tenuis præda sub hoste mori.

De novo urbis Aqueductu ; amplissimâ impensâ excitato.

EPIGRAMMA XXVI.

Libera quæ patrio quondam sermone vocabar ;
 Nunc patiens legis Regia iussa sequor.
 Vix aqua nota olim, cursûsque ignara fluebam,
 Principis & deerat gratia, honosque loci.
 Suppositâ nunc mole feror sublimis ad Urbem,
 Regis & aspectu cominus ipsa fruor.
 Sed licet immensos effundam prodiga rivos,
 Pellere quis possent oppida mille sitim.
 Nil tamen hinc urens mitescet Principis ardor ;
 Commoda quo populo quærit ubique suo.

*In funere doctissimi, piissimique
 viri Antonii dos Reys,
 Congr. Orat.*

EPIGRAMMA XXVII.

Conditur hac tristi, spretâque Antonius urnâ,
 Mole aliâ dignus nobiliore tegi.

Integer

Integer hic vitæ, recti quoque cultor & æqui,
 Exitit, innocui contiliique tenax.
 Scita patrum doctus mores induxit honestos,
 Imbuit & populum religione pius.
 Non olli magnatum, non favor abfuit Aulæ,
 Nec tamen attritas respuit ille vias.
 Quùm licuit, celfo Parnassi culmine sedit,
 Fudit & Aonio carmina grata choro.
 Aurea quin etiã nobis ferè sæcla revexit,
 Dulcius Ausonio scivit & ore loqui.
 Nil tamen his flecti stygiæ potuere sorores,
 Quin citò truncaret stamina iniqua manus.
 Lilia fundantur, violæque, & tristia quæque,
 Parcarum feritas queis queat atra tegi.

Amici hortus suburbanus.

EPIGRAMMA XXVIII.

U Berior quàm multa hortus tibi munera fundit!
 Quàm quoque dissimili flore nitescit humus!
 Candida, rubra, croci, Cyanique induta colores
 Serta tibi hinc veniunt, luxuriante solo.
 Semina vix aliis committi cernimus arvis,
 Quùm tibi jam metitur florea multa seges.
 Anglia quidquid alit, quidquid vel Gallia nutrit,
 Educat aut Batavus pulcher, & almus ager,
 Hæc tuus immodico sumptu complectitur hortus;
 Florum sicque ferax area quæque viret.
 Non tamen ille tuo poterit jam nomine nosci:
 Chloridos incaepit nomen habere Dex.

De quodam Melancholico.

EPIGRAMMA XXIX.

SÆpè trahis vultus, quùm valvas pulsât amicus;
 Obvius aut mediâ fit tibi quisque viâ.
 Sæpè fugax hominum renuis commercia quæque,
 Displicet & coetus, turba, corona tibi.
 Diffita sola placet tellus, vacuusque recessus,
 Viculus arque silens, & sine teste locus.
 Dum tamen agnosci vitas, refugisque videri;
 Invisus fies civibus ipse tuis.

*Ignarus Musica se Musica amato-
torem jactat.*

EPIGRAMMA XXX.

G Rata tibi quamvis placeant modulamina vocum,
 Et te dulcisonâ videris arte trahi,
 Artis Apollinæ scitum te dicere noli,
 Docta nec argutæ munera nosse Lyrae.
 Sic Methymnaeo lætatur Arione Delphin;
 Quin dulces stupidus noverit ille modos.
 Allicit Amphion sic & testudine cautes,
 Ut citò Thessaliæ moenia celsa struat.

Sic

Sic etiã custos mulceatur cerberus Orci;
Orphei quin capiat plectra sonora rudis.

Belli execratio.

EPIGRAMMA XXXI.

Ferreus ille fuit, Cadmeo & sanguine cretus;
Qui gentes docuit bella movere prior.
Quin & Caucasæ dicam nutricis alumnus,
Cognatum lybicæ Syrtidos atque genus.
Nulla salus terris, quum profert arma Gradivus:
Decertant odiis oppida, rura, fretum,
Novimus avulsas priscais è sedibus urbes,
Diruta & hostili moenia celsa manu:
Novimus abductis squalentia prata colonis,
Atque, situ torpens, & sine fruge solum.
Novimus æquoreis misceri prælia regnis,
Neptunique vadis bella cruenta geri.
Nulla quies Orbi, discors dum sævit Enyo:
Rupta fides populis, Dis quoque rupta fides.
Quæ tibi Roma olim sacravit templa, Gradiæ,
Nulla his religio, nec sacer adsit honos.
Sanguine qui gaudes, stragesque & funera mifces,
Quære iterum Odrifios, indomitofque Getas.
Vifere nota tibi, Mavors, cunabula perge:
Ora sic terris, stabit & alma quies.

Navis fulmine combusta.

EPIGRAMMA XXXII.

CÆrula quæ toties lustraras æquora puppis;
 Audax semotos Orbis inire sinus.
 Cui facilis Cynosura vias direxerat undis,
 Faverat Australis vel nova stella poli.
 Imbribus offecit cui nunquam sævus Orion;
 Pleiadum nocuit nec malè fida cohors.
 Littore nunc patrio, navali tutaque claustro
 Cœlitus intorto fulmine tacta peris.
 Quæ mare, quæque hostes superaras, quæque procellas;
 Haud poteras casu nobiliore rapi.
 Fas fuit, ut superis flagrares meris favillis,
 Cui tantum potis est ira nocere Jovis.

Votum Cereri pro frugum uberta.

EPIGRAMMA XXXIII.

Diva potens frugum mitis Saturnia proles;
 Quid nostra eludis pigrior arva Ceres.
 Vomere quid prodest terram vertissè recurvo?
 Quid jecisse solo semina flava juvat?
 Ni segetes placido recrees & jugera vultu,
 Nulla situ squalens foenora reddet humus.

Sedula

Sedula foecundas speret, fac, messor aristas,
 Culmus & uberior divite surgat agro,
 Jam faciam vitulâ, multo quoque farre litabo,
 Tempora quò mæstis frugibus apta fient.

*Sordidi fœneratoris domus incendio
 absumpta.*

EPIGRAMMA XXXIV.

Hic ubi fulgebat regali condita luxu;
 Stabat & immodico structa labore domus:
 Nunc tristis torpescit humus, nunc rudera cernes,
 Turpiter ejectos sedibus atque lares.
 Quassa labat moles, superis data præda favillis,
 Tactaque de Cælo splendida tecta ruunt.
 Non tamen illa velim cecidisse innoxia credas,
 Vindice sed potiùs fulmine strata solo.
 Fœnore structa domus fuerat, quæstuque voraci:
 Hinc purgare sacro fas erat igne locum,



Litigator

Litigator infelix

EPIGRAMMA XXXV.

I Mprobus obtundis nostras tu litibus aures,
 Vixque capit vastum jurgia tanta forum.
 Sæpè vocator ades, præceps & sæpè petitor,
 Indomitusque soles dicere cuique diem.
 Litibus implicitum te semper novimus atris,
 Miscentem & civi prælia mille tuo.
 Dum tamen hæc agitas, non te labor unicus urget;
 Quod magis est, causâ sæpius ipse cadis.

De eodem litigatore.

EPIGRAMMA XXXVI.

L Itis amans iterata foro tu prælia misces,
 Et nunquàm infenso victor ab hoste redis.
 Cogaris hinc audax impendia solvere litis,
 Hinc & iudicibus sportula multa venit.
 Hactenus ipse foro sitiebas, Pontice, gazas;
 Nunc te dira famæ sumptibus aucta premet.

Invidus

Invidus.

EPIGRAMMA XXXVII

CUR sic tabescis stimulis agitatus iniquis ?
 Cur tua sic rodit viscera livor edax ?
 Lætis annè putas aliorum rebus obesse,
 Sortem aut adversam vertere posse tuam ?
 Define livoris : nil te labor iste juvabit ;
 Accidet atque aliis tristius indè nihil.

*Amico navem conscendenti secundum
 cursum optat.*

EPIGRAMMA XXXVIII.

DÏ tibi sedato facilem dent æquore cursum,
 Optatisque meis pondus inesse velint.
 Temperet instabiles fluctus regnator aquarum,
 Proles Saturni, Cæruleusque pater.
 Æolus æterno præcludat carcere ventos;
 Vorticibusque rapi nec sinat ille ratem.
 Adsint Tyndarides, nautis benè numen amicum,
 Avertantque maris, luce nitente, minas.
 Numina sic pelagi votis, precibusque fatigo,
 Ad nos ut remeas, puppe vehente, citò,

Tutus

Tutus & ut notas possis invisere sedes;
Suppetiasque ferens tristia corda juves?

Epitaphium cujusdam Cursoris.

EPIGRAMMA XXXIX

Conditur hoc tumulo, si forsân conditus extat;
Martius, hîcque jacet, si tamen ille jacet.
Doctus inire vias festinis concitus alis,
Ambigo, num præsens hacce quiescat humo!

Amici Hortus.

EPIGRAMMA XL

Quàm benè respondet cultori pronior hortus;
Floribus exuberans, deliciisque frequens!
Non hîc contristant torpentia frigora terram,
Grandine nec lædit germina segnis hyems.
Horrida longè abeunt nimboſæ ſydera brumæ,
Nec gelidas Aquilo ſpirat ab axe nives,
Undique tranquilli favet indulgentia Cœli,
Nubibus & ſparſis prodit amica dies.
Undique veris opes cernis, gemmasque virentes:
Hic & verſicolor fit tibi ruris honos.

Florum

Florum pulchra cohors latè diffundit odorem ;
 Virgincoque offert roscida ferta choro.
 Quid memorem læti, biferique rosaria Pæsti ?
 Sivè quid Alcinoi culta vireta loquar ?
 Prisca fides taceat : pretium dat sæpè vetustas ;
 Omnibus iste recens gratior hortus erit,

Amicum consolatur de Mæcenatis inertia.

EPIGRAMMA XLI.

Q UOD tua Mæcenas non magni carmina pendat ;
 Mœror, & anxietas te diuturna coquit.
 Falleris : hæc valdè Mæccenas grata fatetur ;
 Displicet at grates fortè referre manu,

Votum Junoni, ut amici nuptiis præsit.

EPIGRAMMA XLII.

P Ronuba Juno veni, vincolo connecte jugali ;
 Tradeque concordi pectora casta toro,
 D

Alite

Alite jam dextro geniales instrue tædas ;
 Floribus intersit tempora vinctus hymen.
 Nec satis est sponfos sociali fœdere jungas :
 Fac , thalamus prolis fiat ut ipse ferax.
 Sic tibi Junonis *Magnæ* servabis honores :
Sospita sic semper , sic quoque *Mater* eris.

*Amicum vates accusat de litte-
 rarum tarditate.*

EPIGRAMMA XLIII.

Tertia jam rediit tondendis messibus æstas ;
 Pressaque sub prælo tertia multa fluunt ;
 Ullus ab Eoo veniat quin nuntius orbe ,
 Nosque tuo foveat nomine dicta salus.
 Fortè peracta putas nobis jam pensa fororum ,
 Credis & ad Manes nos abillie pios !
 Segnis adhuc Lachris volvit versatæ lignum ,
 Athereo patitur lumine nosque frui.
 Sed si dextera tibi quartam torpescat in annum ,
 Præscius heu rati , tristis & augur eris.

Affiduus

Affiduus nobilitatis jactator.

EPIGRAMMA XLIV.

SÆpè tuæ stirpis laudes, & tæx avorum;
 Improbis antiquum commemorasque genus.
 Stemmate te clarum, Regumque ab origine cretum;
 Dīs quoque conjunctum sanguine fræpè refers.
 Non ego præclarâ genitum te stirpem negabo;
 Nec te tot proavos fingere velle puto.
 Unum hoc ambiguum reddit mihi, Pontice! mentem;
 Quòd tua tu solus stemmata commemoras.

Felix & Infelix.

EPIGRAMMA XLV.

DUM fueras felix, aderat tibi nullus amicus,
 Quùm sis infelix, multus amicus adest.
 Durities tibi corda olim captare vetabat;
 Ullus amicitie nec tibi nexus erat.
 Quòd modò quisque tuam sortem miseratur acerbam;
 Nostra hoc fert probitas, non tua cura facit.

*Uvarum munusculum Amico
missum.*

EPIGRAMMA XLVI.

A Ccipe venturi prænuntia signa Lixi;
Nec tua detrectet munera nostra manus:
Quos aluit vitis turgentes læta racemos,
Dum tibi sint grati, prospera vitis erit:
Sin aliter, densis arefcat consita dumis,
Nullam & cultriciis sentiat artis opem.
Sic aliæ addifcent meliores reddere fructus,
Nè tibi displiceant, nè sibi damna parent:

Amici liberalitatem commendat.

EPIGRAMMA XLVII.

D Extera quot cives tua passim ditat egenos!
Munera quot spargit largior imbre manus!
Quàm benè multiplices præstas Egæonis artus!
Dextram hanc centimanus veller habere gygas;
Donorum manus ista ferax vota occupat auro,
Nec finit effundi suppliance voce preces.
Largior haud culmis educit Eleusis aristas,
Crebrius aut Æthrâ nubila cogit hyems.

Sic

Sic tibi lenè fluant Pactolus semper & Hermus ;
 Ut fluit è loculis aurea vena tuis.

Amici humanitatem commendat.

EPIGRAMMA XLVIII.

TE facilem vultu, concinnum scimus amicis,
 Moribus & mitem, conspicuumque fide.
 Te plebes, te noster eques, Patrumque senatus,
 Sacrificumque simul te colit urbe chorus.
 Nec tantum te civis amat; te diligit hospes,
 Quique Hermi & Gangis glauca fluenta bibit.
 Dignior es superi confidere sedibus axis,
 Alloquio & Divum cominus ipse frui:
 Celsa tamen cupimus conscendas tardus ad astra,
 Lætitiæ ut possis gentibus esse diu.

De importuno sui ipsius laudatore.

EPIGRAMMA XLIX.

QUE te laudandi cepit tua corda cupido?
 Quidvè tuum pectus tam malus ardor agit?
 Plenum laudis opus, famâ dignumque perenni
 Quidquid agas, censes, stultus & amplificas.

Impertire

(30)

Impertire tuis noli præconia gestis :
Nulla fides propriis laudibus esse solet.

Medicus subitaneus.

EPIGRAMMA L.

T Onfor heri fueras, chirurgum te modò jactas :
Nec fatis, Hipocratem te quoque scire sonas.
Pharmaca sic papulis adhibes, laterisque dolori ;
Si marcet stomachus, sanguinis ultor ades.
Nullus erit varias qui tam citò calleat artes :
Nulla homines rapiet tam citò dira lues.

CAR-

CARMINUM

LIBER II.

*Doctissimo Poeseos Professori, P. Emmanueli de Azevedo Soc. Jesu,
Roma commoranti, librum
suum Auctor mittit.*

EPIGRAMMA I.

E Dere quem licuit dubiâ, nunc forte libellum,
Hunc tibi mitto lubens: hæc mihi cura prior,
Nostra supercilio miti quodd carmina volvas,
Hanc memori foveo pectore, spemque sequor.
Non ego Cecropiæ vereor Pandionis arces,
Arridet noſter dum tibi fortè labor.
Clarus Hyantæo confidis vertice montis,
Das ubi Pierio jura ſacrata choro.
Quodd ſi cenſuræ multa hîc obnoxia credas,
Dignaque corradi carmina noſtra putes:
Hinc tamen excuſor: poteram quî fundere verſus;
Longiùs amoto qui benè pleçtra regat?

Venator.

Venator senex.

EPIGRAMMA II.

J Am tibi permixtis albescunt tempora canis,
 Imminet & certis curva senecta notis;
 Et tamen insequeris cursu venator anhelo,
 Quasque sinu nutrit sylvæ vetusta teras.
 Define jam torvos agitare in saltibus apros,
 Nec tibi jam nemorum pristinus infir amor;
 Sis licet aligeros promptus transfigere cervos;
 Promptior heu cursu te Libitina premet.

*Libellos suos Auctor amico com-
 mendat, precaturque, ut sit
 illorum defensor.*

EPIGRAMMA III.

Quos modò vulgari incertâ mihi forte libellos;
 Hos cupio foveas, hos tucare, precor.
 Facta comes sequitur quamvis ingentia livor,
 Nec minùs audacter rodere scripta solet.
 Quòd si carminibus pestem hanc defendere nostris;
 Hæcque velis pravâ reddere tuta lue:

Non

Non opus est dextrâ strictus præfulgeat ensis ;
 Id satius nobis, si tibi grata fient.

Natalis dies amici.

EPIGRAMMA IV.

C Andida gemma diem natalis signet amici,
 Gaudia qui nobis, deliciasque tulit.
 Læta citis invec̃ta rotis aurora rubescat,
 Lucifer & citiùs nuntiet axe jubar.
 Ocior hinc tristes abigat sol aureus umbras ;
 Festinetque pios luce fovere lares.
 Infestum immutet vultum nimboſus Orion,
 Nubila nec denſa grandine mixta ferat.
 Leniùs has spirans tranquillet Jupiter oras,
 Germinaque & flores aura ſerena juvet.
 Sic pia vota diem, quo non felicior alter,
 Exoptant reducem; ſollicitantque preces.
 Cesp̃ite tunc viridi ſolem̃em ornabimus aram;
 Thuraque numinibus dives acerra dabit.

Vates se totum Apollini tradit.

EPIGRAMMA V.

G Rata fugax rerum Parnassi culmina quæro ;
 Otia quò Musis non aliena sequar.
 Invida non illic lacero discordia crine
 Exagitat mentes, bellaque cæca movet.
 Nulla ibi sollicitat cives damnosa cupido ;
 Ulla nec anxietas pectora casta coquit.
 Pieridum officiosa cohors quos novit alumnos ;
 Excipit illa lubens, auxilioque fovet.
 Posthabitâ nunc ergò domo, laribusque relictis
 Ad tua confugio, Cynthie, regna celer.
 Tu dulces mihi trade modos, tu carminis artem ;
 Addar ut Aonio dignius ipse choro.

Morum integritas.

EPIGRAMMA VI.

Q Uinam aliis insint exoptas noscere mores ;
 Quale sit ingenium, copia qualis opum.
 Hæc tibi nil profunt, pariter nihil ista nocebunt ;
 Integer ut vitæ vixeris, hocce juvat.

Aliis

Aliis notus, sibi ignotus.

EPIGRAMMA VII.

O M nibus ut fias notus mirâ arte laboras ;
 Quùm tamen ignotus vixeris ipse tibi.
 Discute, nùm castos habeas, tu Pontice, mores ;
 Forsitàn agnosci tunc tibi cura minor.

De Lentulo antea milite, & postea medico.

EPIGRAMMA VIII.

T Hreicii pergrata olim tibi castra Gradii
 Deferis, & notas abnuis ire vias.
 Quin & Præoniæ incumbis modò pacifer arti ;
 Quæque levant ægros, hæc tibi scire placet.
 Nil juvat antiquam mutes quòd, lentule, formam :
 Mens eadem Protei semper & una fuit.
 Certius interimes pravo medicamine gentes,
 Quàm posses ferro sternere cædis amans,

In dolosum laudatorem.

EPIGRAMMA IX.

S Ola quodd evulgem nostris Epigrammata chartis;
 Exedit hæc pectus sedula cura tuum.
 Aptæ cothurnatæ censes mea carmina Musæ,
 Et posse Andinum condere dicis opus.
 Non hoc ingenuo depromptum pectore credo;
 Quin commenta dolo, fictaque verba puto.¹
 Condere quæ nunquam dabitur mihi carmina laudas,
 Acrius ut carpas, quæ cecinisse vides,

Pax ultrajectensis.

EPIGRAMMA X.

H Astenus imperium proferri Marte solebat,
 Regnaque Principibus non nili bella dabant.
 Sic Argoa suos auxit gens inclita fines,
 Punica sic bellis Arx & adaucta fuit.
 Sic etiam æquari Romanum vidimus Orbi
 Imperium, stragis, sanguinis atque ferax.
 Prisca fides taceat; quæ pax innoxia regnat,
 Regibus hæc iedes, tutaque regna dedit.

*Fœdere ultrajectensi Hispaniarum Rex Philippus V. Sicilia in-
 sulam Sabaudia Ducem concessit; aliisque Principibus varia op-
 pida, Castellaque tributa sunt.*

Vini

(37)

Vini potor acerrimus.

EPIGRAMMA XI.

N Ulla tibi arident sitienti pocula lymphæ;
Flumina sic, fontes despicias atque nives.
Cæcuba sola placent largis extracta lagenis,
Dulcia seu pronâ fusa falerna manu.
Fortè & lustrali ablutum te displicet undâ,
Idque mero potiùs non licuisse doles.

Venator ex lapsu exanimatus.

EPIGRAMMA XII.

I Mpiger umbrosos nemorum lustrare recessus;
Dexter & insidiis illaqueare feras:
Quin & pernices fortis transigere cervos,
Quosque apros nutrit Mænala Sylva sinu.
Hic jacet, abrupto prolapsus culmine montis,
Dùm damam insequitur nescius ille viæ.
Non olii auxilium nemorum Latonia custos
Præstitit, aut lapsò sedula traxit opem.
Gliscens fortè Dæe carpsit præcordia livor,
Quòd tot venator fixerat ille feras.

Bellator

Bellator iniquus.

EPIGRAMMA XIII.

Improbis armorum causas tibi fingere noli;
 Abstine & infami bella ciere notâ.
 Imperium proferre insit tibi nulla cupido,
 Nec cæco placeant oppida capta dolo.
 Incautum superos votis, precibusque fatigas,
 Impia si prædæ commoda sola cupis.
 Dis frustra addices temerè quos arripis agros:
 Thure pio gaudent Numina celsa coli.

Bellator justus.

EPIGRAMMA XIV.

Scire cupis liceat quandò decernere ferro;
 Quandò & terribili bella ciere notâ.
 Discute, num patrios vexet turba hostica fines;
 Sollicitetque tuis sedibus ipsa frui.
 Num tua sit tristi plebes obnoxia prædæ,
 Nec proprios tutus findat arator agros.
 Num tibi deferri classis vetet extera merces;
 Nec secura abeat littore cymba tuo.
 Hæc tua sint, Princeps, iusti primordia belli:
 Commoda non belli, sed tibi causa favet.

Falsator

Jaſtator opum.

EPIGRAMMA XV.

Jacſtat opes Marcus, gemmarum jacſtat acervos,
 Auri congeriem jacſtat & ille gravem.
 Hæc iterata foro vulgat, triviisque frequenter,
 Quin tamen adjungat concio nulla fidem.
 Quò te, Marce, rear gemmis, auroque potentem;
 Splendidus aſſidua munera ſparge manu.
 Non Tagus auriferi nomen fortitur & Hermus;
 His niſi quòd fluviis aurea dona fluunt.

Puer vix natus emoritur.

EPIGRAMMA XVI.

Vitalis puer iſte auras vix hâuſerat inſons;
 Quùm propero ad Manes cogitur ire gradu:
 Tantum audere nefas ſtygiæ potuere ſorores,
 Fleſtere quas nequeunt vota, preceſque piæ,
 Quæ partus, Lucina, beas, matreſque tueris,
 Debueras proli conſuluiſſe ſimul.
 Nè labor iſte tuus ſtudio vanefcat inani,
 Vita etiàm pueris fac diuturna fiet,

De

De morte amici.

EPIGRAMMA XVII

Qui recti docilis fuerat, qui cultor honesti,
 Integer & vitæ, justitiæque tenax.
 Nondùm ter denis exactis messibus ille
 Claudit supremo concita fara die.
 Exequialis honos, funebria sacra parentur,
 Solvanturque piis Manibus inferiæ.
 Lilia fundantur grato viduata colore,
 Sparsaque sit violis, tristis & urna crocò
 Quæque solet luctus testari mæsta cupressus,
 Aram circumdans plurima surgat humo.
 Non tamèn hinc facillè venient solatia nobis:
 Exedet æternùm pectora nostra dolor.

De tranquillitate vitæ, quâ va-
tes fungitur.

EPIGRAMMA XVIII.

Hic ubi prospecto spumantes æquoris undas,
 Nec vereor noceant æstus & ira maris:
 Hic ubi fluctivagus spatiaur flumine saltus,
 Vertitur inque cavas plurima sylvæ rates:

Hic

Hic ubi more Tagus fulvis ditiescit arenis ;
 Excipit & vœtas navibus Orbis opes :
 Hic mihi certa domus , fatorumque ordine sedes ;
 Gratos hîcque colo , sorte favente , lares.
 Non hic clamor incers plebis mihi verberat aures ,
 Gesta domû , aut belli nec vaga turba sonat.
 Quid faciat lætas sægetes , facilemque lixum ,
 Pallada quidvè juvet , non mihi cura subest.
 Juverit hoc alios nautarum inquirere curius ,
 Scireque sit patiens æquoris annè ratis.
 Non mihi livor edax placidos depascitur artus ,
 Auri sacra fames nec mihi membra terit.
 Nec tamen ignavo torpens languore fatisco :
 Pindi sæpè lubens in juga sacra iuror.
 Splendida sudato caleant altaria thure ,
 Disque frequens , curo , victima ritè cadat.
 Sic vitam securus ago , curisque solutus ,
 Stamina dum lachesi volvere tarda placet.

*In amicum mortiferâ tabe labo-
 rantem.*

EPIGRAMMA XIX.

F Erreus ille riget qui non miseratur amicum :
 Livida cui tabes pectora rodit edax.
 Illum læte putes Hyrcanæ tigridis altum ;
 Rupeque caucassâ dixeris esse satum.
 Ast ego , qui soleo miserescere fortis iniquæ ,
 Execror , hanc diris devoveoque luem.

F

Ritè

Ritè precor superos properantia fata repellant ;
 Torquerique diù nè pia membra finant.
 Pocula, Phœbe, manu tu præbe mixta salubri ;
 Certius ut pronam sentiat æger opem.

Flores amico mittit hyemali tempore.

EPIGRAMMA XX.

A Ccipe fragrantis munuscula prima laboris ;
 Nec pigeat facili sustinuisse manu.
 Has tibi primitias nostro Zephyritis ab horto
 Mittit, terra licet torpeat arcta gelu.
 Spirat adhuc Boreas brumalia frigora pratis ;
 Rarior hinc florum copia surgit humo.
 Non tamen hæc vereor contemnes dona severus ;
 Casta placent superis, munera parva licet.

*In Marcum sapius sese morbo
 affectum conquerentem.*

EPIGRAMMA XXI.

S æpius ægrotas, vel Bruma, vel incubet Æstas ;
 Sive Aries tempus, rectavè Libra reat,

Sxpe

Sæpè tibi miseros febris depascitur artus ;
 Assidensque premit languida membra dolor.
 Et tamen accitus mensis accumbis opimis ,
 Instaureque hilaris , nocte dieque dapes.
 Quem jactas morbum , faciles tibi flectit amicos ;
 Ergò malam noli pellere , Marce , luem.
 Quùm fueris morbo immunis , quùm corpore firmus ,
 Rarior obveniet , parcaque mensa tibi.

*Amicum hortatur , ut libros suos
 edat.*

EPIGRAMMA XXII.

EDere quùm possis facili molimine libros ,
 Nomine victuro clarus & Orbe frui.
 Arte laboratas còdunt tua scrinia chartas ,
 Sæpè velut tristes còdit avarus opes.
 Eximium jam profer opus , crebròque cupitum ;
 Nec marcere diu scripta diserta velis.
 Qui puppem immodico struxit sibi navita sumptu ,
 Haud torpere finit , quin maris æquor aret.
 Murice qui vestes intextas emit & auro ,
 Has , citò nè pereant , explicat ille Jovi.
 Quique colit nitidis gemmantem floribus hortum ,
 Huic spectatorum copia multa placet.

De caussidico jam sene.

EPIGRAMMA XXIII.

Q Uùm decursa tibi fermè sit Nestoris ætas ;
 Langueat effueto corpore quùmque vigor ;
 Caussidicum irrequietus agis , glomerasque clientes ,
 Otii & impatiens incolis ipse forum.
 Sis licet eloquii præstans , & litibus aptus ,
 Vincere quam nequeas lis tibi restat adhuc ;
 Hanc tibi festinant triplices inferre sorores :
 Causâ hac infelix certiùs ipse cades .

De morte cujusdam Astronomi.

EPIGRAMMA XXIV.

H Aftenùs astriferæ sectandis motibus arcis
 Omne lubens studium ponere visus eras.
 Hinc tibi cura inerat gelidos spectare Triones ,
 Tardus ubi Arctophylax frigida plaustra regit ;
 Hinc etiam Andromeden , cepheumque & Persea nosti ,
 Cætera & Arctoo sydera sparsa polo.
 Illinc Australes placuit perquirere sedes ,
 Astra quidè m nautis non benè nota priùs.
 Hactenùs exterior facies tibi cognita cœli ;
 Nec licuit superæ limen adire domus .

Splend-

Splendida panduntur tibi nunc penetralia Divûm ;
Plus tibi quàm vitâ, cernere morte datur.

*Junonis imago perfectè coloribus
expressa.*

EPIGRAMMA XXV.

Hic Juno, hîc scitè spirat Saturnia proles :
Non alibi tantus splendet in ore decor.
Æmula Parrhasii tabula hæc & Zeuxidis extat ;
Quin & Apellæum nobilis æquat opus.
Si tam pulchra foret Juno, cùm nupta Tonanti ;
Nulla unquàm pellex ureret igne Jovem.

*Medicus aliorum Medicorum con-
sortium respuens.*

EPIGRAMMA XXVI.

Quæ vesana tuum cepit dementia pectus,
Qui dubiam exoptas solus inire viam ?
Qui socios spernens infestum tendis in agmen,
Pellere quique hostes unus ab urbe cupis ?

Define

Desine stultitiæ , socios adhibeque libenter
 Quùm premit ægrotum languor , & atra lues.
 Pondus erit levius , fiet minùs improba moles ,
 Auxilium prestat si tibi amica manus.

Summa avaritia.

EPIGRAMMA XXVII.

V Idimus è silice excussum nec segniter ignem ,
 Vidimus & cautes splendida dona dare.
 Attamen his duci renuis , miserofque repellis ,
 Divite quùm possis munera ferre manu.
 Possumus inverfas naturæ hinc dicere leges ,
 Quùm rigeant hominis pectore saxa minus.

Amici natalis dies.

EPIGRAMMA XXVIII.

F Ausa dies nostris properans affulgeat oris ;
 Instauret plausus quæ rediviva pios.
 Hanc revocare diem Natalis cogit amici,
 Quâ non candidior lux nitet ulla mihi.
 Ferte Dææ flores , innexus tempora fertis
 Fundat festivos quilibet ore sonos.

Ipse

(47.)

Ipse potens voti cumulabo altaria donis ;
Atque sacros faciam thure calere focos.
Nectare Dis etiam lenæo, & farre litabo ;
Nec deerit templis, qui referatur, honos.

Miles postea Poeta.

EPIGRAMMA XXIX.

H Actenus armorum præstans, bellicus peritus
Effera Mavortis castra sequutus eras.
Hæc tibi cura olim rubro decernere ferro,
Sævaque sanguineâ prælia inire manu.
Innocuæ nunc pacis amans, placidæque quietis ;
Pieridum turmæ jungeris ipse comes.
Qui deerat gestis plausus modò certior extat ;
Carmina digna canet carmine digna gerens.

*Pater sibi dissimilem natum con-
queritur.*

EPIGRAMMA XXX.

Quod non hic tenero referat puer ore parentem
Anxius exagitat corda paterna dolor.

Næ

Nè tibi confimilem exoptes; pater improbe natum;
 Improbus heu, similis si tibi, natus erit.

*Auctor se excusat de ingenuo
 scribendi more.*

EPIGRAMMA XXXI.

Q UOD Mœcenati scribamus carmina nulli,
 Nec pateant chartis nomina clara meis;
 Non hæc clare credas vestigia mentis;
 Non ego turgescens colla superba gero.
 Sedulus antiquos extollo carmine mores,
 Byssina quin fallax, fictaque verba loquar.
 Juverit hoc alios, mendaces condere chartas,
 Turpibus & laudes texere criminibus.

Medicus garrulus.

EPIGRAMMA XXXII.

Q UUM pressus languore jacet sine viribus æger,
 Febris & ægroti tristia membra coquit.
 Pæonice jactator opis miracula narras,
 Tempus & immodicâ garrulitate teris;

Hæc

Hæc tibi cura inest medicamine solvere morbos;
Non venit ægrotis voce coacta salus.

*De quodam Auctore raram li-
brorum suorum venditionem
deplorante.*

EPIGRAMMA XXXIII.

F Errea quid quereris, morosaque sæcula damnas;
Quod libros vexat fors inimica tuos?
Nullus erit magni qui non tua carmina pendat;
Et quæ das metricis verba coacta modis.
Emptor avaritiæ, pravo non felle laborat:
Si pretium minuas, plurimus emptor erit.

Veris tempestas.

EPIGRAMMA XXXIV.

J Am nova progenies florum collucet in hortis;
Prætaque luxuriant fecibus aucta novis.
Cæspite jam læto proles Hyacinthina fulget,
Vernaque puniceas educat aura rosas.

G

iam

Jam violis splendet humus, niveisque ligustris,
 Candida jamque frequens lilia fundit ager,
 Vomere jam curvo terram proscindit arator,
 Gnarus Eleusinam sollicitate Deam.
 Laxant arva sinus, vestitur frondibus arbor,
 Exerit & tellus prodiga veris opes.
 Jam cephalus vigili saltus indagine cingit,
 Atque Erymanthæo retia tendit apro.
 Quin etiam æripedem stridentem cuspide cervum
 Sternit, agens avdos per iuga celsa canes.
 Navita spirantes captat clementius auras,
 Pergit & æquoreos sollicitare sinus.
 Jam solitis volucres mulcent concentibus aures,
 Gramine & enato ludit ubique pecus.
 Oreadum jam læta cohors, Dryadesque puellæ
 Instaurant hilares, sole cadente, choros.
 Gaudia sic Orbis parit indulgentia veris;
 Redditur & terris sic redivivus honos.

De Rhetore repentinâ morte extincto.

EPIGRAMMA XXXV.

Qui fandi doctus, præstat qui divite lingua,
 Romaque cui similem, Graiaque terra cupit,
 Fertur hic ad Manes inopinâ morte peremptus,
 Et quin extremos proferat ore sonos.
 Sic placitum superis truncant sic stamina Parcæ,
 Nè puter eloquio flectere fata suo.

In Poetam subitanum.

EPIGRAMMA XXXVI

Nondum bis decimus consul tibi notus in urbe ;
 Nondum confimili falce resecta seges ;
 Jamque putas bifidi evasisse ad culmina montis ,
 Grataque Mæoniis nectere verba modis ?
 Falleris : inflexo fulcos qui findit aratro ,
 Non olli exuberant frugibus arva statim.
 Quia & præpropere veniant si tempore fructus ,
 Arboris hi potius tristis abortus erunt.

*Uxor marito sepulchrum magni-
 ficè construens.*

EPIGRAMMA XXXVII

MArnioteo hoc tumulto cineres tegit Aula mariti ,
 Prodiga fertque piis Manibus inferias.
 Non socialis amor , pietasvè hanc extruit urnam ;
 Prodere sic fatum conjugis uxor amat.

Vates Mæcenatē stultē incusans.

EPIGRAMMA XXXVIII.

QUOD tibi Mæcenæ dexter non ampliùs adsit;
 Tristaris, sortem conquererisque tuam.
 Istius ingenium nequiter tu carpere noli:
 Præmia quod defint, hoc tua mûsa facit.

*De Medico agros suos semper fe-
 brire afferente.*

EPIGRAMMA XXXIX.

ÆSTUBUS exuri febrilibus assers omnes,
 Lenitè attrèctat quos tua docta manus.
 Nil mirum ægrotos si febris torqueat artus,
 Fortiùs & venæ, te veniente, micent.
 Horrida, cùm facies tibi sit, celer advenit horror;
 Hincque irâ excitus concoquit exta calor.

*Epitaphium Excellentissimi Domini
D. Nonii Alvares Pereira de
Mello, Ducis do Cadaval.*

EPIGRAMMA XL:

C *Hara Deum soboles*, genus alto è sanguine Regum,
Mole sepulchrali Nonius hacce jacet.
Munera quæque domi, bellique amplissima gessit,
Plenus consilii, fortis ubique manu.
Olli fatidicæ ruperunt stamina Parcæ;
Has tamen infantes criminis esse puto.
Cælestes animos cælesti sede locari
Fas erat; hospitio terra nec ulla satis;

Statua Jovis Marmorea.

EPIGRAMMA XLI.

QUam scitè excudis spirantia marmora Cœlo,
Ut vultum effingas, effigiemque Jovis.
Non hos Pbidiacus tantùm labor exprimit artus;
Pulchrior his virtus, splendor & artis inest.
Religio ni sacra veter, ni sacra potestas;
Non opus artificis, sed reus esse Deum.

In malum Poetam Auctoris libellum damnantem.

EPIGRAMMA XLII.

SÆpè meos carpis liventi dente libellos,
 Pacis amans carpam quin tamen ipse tuos;
 At quæ Calliope invita tu carmina pangis,
 Cultor Apollineus iterare cuncta solet.
 Undique spreta jacent; manibus non illa teruntur;
 Quàm mea perpetuus volvere lector amex.
 Unus eris nostros audax corrodere libros:
 Corrodent tineæ, multaque blatta tuos.

In Detrectatorem.

EPIGRAMMA XLIII.

Detrectare soles homines, & fundere probra;
 Oræue Gorgonæ toxica mille vomis.
 Nulla tuum cohibet recti verecundia pectus;
 Sontis, & infantis fors eademque tibi.
 Prosequere, & cunctos probris inceslere perge:
 Si minùs incipias lædere, peius erit.

De

(55)

De Medico postea Jurisconsulto.

EPIGRAMMA XLIV.

Qui fuerat Medicus, sequitur nunc castra Lycurgi;
Digessi studio, Codicis atque vacat.
Crimine delatus, quod sæpè occiderit ægros,
Juris opem implorat, quo malè facta tegat.

Ineptus Librorum cognitor.

EPIGRAMMA XLV.

Aurea, quos olim scriptores protulit ætas,
Ferreæ quosque recens, feraque sæcla ferunt;
Esse tibi notos narras, jactator inepte;
Auctorumque memor nomina multa refers.
Hinc tibi nulla unquam venient præconia laudum;
Nec tibi grande sophos concio docta dabit.
Haec tibi ignotæ radis tu littora terræ,
Intus quidque insit, non tibi nosse datum,

Pictura.

(56)

Pictura.

EPIGRAMMA XLVI.

Artis Apellare veniat quid nomine queris?
Ars est, quæ sensus fallere docta solet.
Insidiosa oculis naturam effingere tentat;
Quodque magis similis, plus habet illa doli.

Ruris amator.

EPIGRAMMA XLVII.

Ruris amans hominum fastidis undique cætus;
Displicet & populi densa corona tibi.
Non hinc te sophiæ verum credemus alumnum:
Est & ruris amans bellua quæque ferox.

Poeta.

(57)

Poeta furax.

EPIGRAMMA XLVIII.

V Ivitur ex rapto, vaturn nec carmina tuta ?
Quæ cecinit Naso, nunc tua musa canit.
Quod rapis ipse aurum, cæno confundis inepto ;
Dispar materies nulla coire potest.

Pessimus Caussidicus.

EPIGRAMMA XLIX.

M Arcus agit causas, turbâ comitante frequenti ;
His tamen infelix sæpius ille cadit.
Non hæc patroni culpa est, sed culpa clientum,
Qui Marco fidunt commoda, resque suas.

H

Inops

(58)

Inops, & Avarus.

EPIGRAMMA L.

P Aulùm distat inops, nummorum ac nudus avaro:
Abſimili quamvis pergit uterque viâ.
Ambo pauperie, trifti caluque laborant:
Sors illum infelix, hunc premit æris amor.

CAR.

(59)

CARMINUM

LIBER III.

Ira, & Amentia.

EPIGRAMMA I.

D

Istas ab irato demens, sed tempore tantum:
Insanus fieres, ni foret ira brevis.

Canities.

EPIGRAMMA II.

C

Anitiam celare studeas cur arte senilem?
Quod tegitur maius creditur esse malum.

Fortuna, & Prudentia.

EPIGRAMMA III.

Multa tibi adversis opus est sapientia rebus ;
Si fors obveniat prospera , nulla fatis.

Quid sit juventus.

EPIGRAMMA IV.

Quid sit , scire cupis , rerum studiose , juventus ?
Ætatis febrim certius esse reor ,

Virtus non semper pretio habita.

EPIGRAMMA V.

Frustibus ut prodest tempestas gratior anni ;
Sic & virtuti tempora certa favent.

Quomodo

(61)

Quomodò agendum cum amicis.

EPIGRAMMA VI

O Mnia nè dubites tua credere fidus amico :
Sola tamen facito credere quæ deceat

Ex amico inimicus irreconciliabilis ;

EPIGRAMMA VII.

N Exus amicitiae si quandò rumpitur arctæ ;
Hæc poterit nunquàm plaga coire fatis.

Premiis augefcit virtus.

EPIGRAMMA. VIII.

P Ræmia si demas, virtutem tollere crede :
Arcicæ virtus, spes nisi blanda juvet.

(62)

In malorum imprecatores.

EPIGRAMMA IX.

Frustrâ aliis irâ flagrans infausta precaris :
Non vota exaudit Numen iniqua pium.

Contra Novatores.

EPIGRAMMA X.

Scita Patrum tu nota sequens tutissimus ibis :
Devia si lustras , te malus error ager.

De Bibliothecis.

EPIGRAMMA XI.

Copia librorum nihil est nisi docta supellex :
Illa animum exornat , dirat ut ista domum.

De

(63)

De reorum tormentis.

EPIGRAMMA XII.

A Bstineas, quæso, tormentis : sola patefcit
His animi virtus ; crimina tecta manent.

Vita otiosa brevior.

EPIGRAMMA XIII.

S I plures numerare cupis feliciter annos ,
Hæc tua fit nullam perdere cura diem.

Deformitas corporis.

EPIGRAMMA XIV.

Q Uem foedis natura notis signaverit altrix ,
Hunc fugito, huic penitus fidere, Marce , cave.

Degener.

(64)

Degener maiorum jactator.

EPIGRAMMA XV.

Gesta atavum, proavumque refers dum clara tuorum,
Evulgent alii ne tua gesta, time.

Responsio mollis frangit iram.

EPIGRAMMA XVI.

Frigida curantur calidis, humentia ficcis :
Lenia sic iram verba levare solent.

Propriâ trahimur voluptate.

EPIGRAMMA XVII.

Attrahit ut ferrum magnes, sua quemque voluptas
Sic trahit, occultum quin sibi consistet iter.

Judicis

(65)

Judicis officium.

EPIGRAMMA XVIII.

Nè quid inaudita decernas parte, caveto:
Æqua licet statuas, non tamen æquus eris.

Invidus.

EPIGRAMMA XIX.

Rumperis invidiâ, veniunt si prospera nobis;
Non tamen hinc veniunt prospera cuncta minus,

In Rhetorem.

EPIGRAMMA XX.

As tibi sola placet dicendi, Rhetor inepte;
Nullius est pretii, si semel ergò taces,

I.

Horat.

(66)

Homo ascitis dentibus, hebeti oculorum acie, & calvus.

EPIGRAMMA XXI.

ET dentes, simulasque oculos, simulasque capillos :
Pace tuâ dicam, non nisi fictus homo es.

Qualis uxor habenda.

EPIGRAMMA XXII.

PÈssima si mulier res est, brevis uxor habenda :
Crede, tuum brevius sic erit indè malum,

De Curis.

EPIGRAMMA XXIII.

NULli cura loco cedit gravis : angit ubique :
Te fugiente fugit, te redeunte redit.

De

(67)

De Magistratuum incuriâ.

EPIGRAMMA XXIV.

Crimina quàm possis, turpesque avertere mores;
Si peccare sinas, improbus ipse jubes.

Quis miser, & fortunatus.

EPIGRAMMA XXV.

T E miserum dices aliorum prospera cernens,
Et fortunatum damna aliena videns.

Minae cur non noceant.

EPIGRAMMA XXVI.

Q U i gerit ore minas, is nunquàm fulmina torquet;
Vindictæ extinguunt aspera verba sitim.

I ii

De

De eodem.

EPIGRAMMA XXVII.

P Arce minis, ultor cupias si sumere poenas:
Quæ tegitur verbis, hæc magis ira nocet.

Amor initio fugiendus.

EPIGRAMMA XXIII.

D Um tener est, sævum citiùs vitabis amorem,
Expelli nullâ firmior arte potest.

De eodem.

EPIGRAMMA XXIX

N E' pudeat vitare malum, quod vincere nescis;
Ostia si claudas, serpere cessat amor.

Helluo

(69)

Helluo stolidus.

EPIGRAMMA XXX.

INGluviem sectaris hians, & fercula mensis:
Nil mirum, ingenium si tibi pingue venit.

Pessima liberorum educatio.

EPIGRAMMA XXXI.

ARTibus ingenuis prolem non instruis unquam:
Vis natos patri forsitan esse pares.

Fides dolosa.

EPIGRAMMA XXXII.

NE' fancita dolo veniant tibi foedera, Princeps:
Astu. parta fides fraude perire solet.

Catus,

(70)

Cacus, & deformis.

EPIGRAMMA XXXIII.

Lumine quòd cassus sis, te dolor improbus urget :
Te ipsum si possis cernere, peius erit.

De periculis.

EPIGRAMMA XXXIV.

Impendent dum fara, sagax averte periculum :
Si veniant, audax quæque pericla subi.

Omnis etas propria ad discendum.

EPIGRAMMA XXXV.

Quòd puer, aut senior discas, nil credite refert :
Quòd nunquàm dicas, hoc ego turpe puto.

Variolarum

(71)

Variolarum cicatricibus inustus.

EPIGRAMMA XXXVI.

M Ille cicatrices turpant tibi, Pontice, frontem :
Moribus at longè es turpior ipse tuis.

Otii amator.

EPIGRAMMA XXXVII.

O Tia dum quæris, verum aspernaris honorem :
Gloria sola viris parva labore venit,

De pumilione improbo.

EPIGRAMMA XXXVIII.

E S brevis, exiguus, cubitoque haud altior uno ;
At minor est pietas, integritasque tibi.

De

(72)

De eodem.

EPIGRAMMA XXXIX.

EXiguos natura dedit tibi corporis artus ;
Parque dedit parvis artubus ingenium.

Criminis horror.

EPIGRAMMA XL.

SÆpè anceps animos incessit criminis horror :
Maior at incessit testium ab ore timor.

Peccandi consuetudo.

EPIGRAMMA XLI.

SI tibi nullus inest consueti criminis usus ,
Hoc fit , quod vecorsin scelus omne ruis.

De

(73)

De vitiis , & morbis.

EPIGRAMMA XLII.

Idem animus vitiis patitur, quod vulnere corpus;
Sæpè cicatrices, foedæque signa manent.

Vera sobrietas.

EPIGRAMMA XLIII.

Sobrius ille est, permixtas qui respuit escas:
Si parcat vetitis, dixeris esse metum.

Ingenium felix.

EPIGRAMMA XLIV.

Ingenium natura dabit, mentemque capacem:
Hæc tamen ut prolint, fors tibi sola dabit,

(74)

Preces aliquandò noxiæ.

EPIGRAMMA XLV.

SÆpè Deos precibus nobis adversa rogamus ;
Posteà & optatis nos caruisse juvat.

Heroum differentia.

EPIGRAMMA XLVI.

HERoum non una datur, nec certa propago :
Fit virtute heros, fit quoque criminibus.

Vitiorum fuga.

EPIGRAMMA XLVII.

QUùm vitia à nobis tandèm consueta recedunt ;
Non depulsa animo, sed minùs apta reor.

Amor ,

(75)

Amor, & Beneficia.

EPIGRAMMA XLVIII.

R Arus amor terris, quem non benefacta tuentur :
Si decrint, rarò permanet alma fides.

Commoda expellunt amicitiam.

EPIGRAMMA XLIX.

R Arus amicitie locus est, nec tutus ab hoste :
Hanc sede expellunt commodà sæpè suà.

Prava cupidines.

EPIGRAMMA L.

V Incere difficile est, veniat si prava cupido :
At labor hanc maior, si satiare velis.

(76)

Crimina aliis objiciens.

EPIGRAMMA LI.

SI quâ labe vaces, aliis mox objicis illam :
Si tibi crimen inest, objicis ipse nihil.

Virtutibus carentes.

EPIGRAMMA LII.

CUI deerit virtus, par fiet sensibus orbo :
Sed benè non norunt, quidquid utrique deest.

Falsa moderatio.

EPIGRAMMA LIII.

TEMperat hic vitiis, veluti qui temperat escis :
Non virtutis amor, sed timor intus adest.

Innocens

Innocens quis sit.

EPIGRAMMA LIV.

Crimina quod lateant, non hinc quis dicitur infons:
Hæret noxa animo, sit cooperta licet.

Fœmina, & Thesaurus.

EPIGRAMMA LV.

Fœmina thesauro par est plerumque latenti;
Dum scrutator abest, omnia tuta manent.

Firma valetudo, & honor.

EPIGRAMMA LVI.

Firma valetudo rectè assimilatur honori:
Ambo abeunt, recti si tibi norma deest.

(78)

Pigri corpore, animo pigri.

EPIGRAMMA LVII.

M Arcefcit corpus, fi non labor excitat artus :
Sic acies mentis functa quiete perit.

Cujusvis ingenium.

EPIGRAMMA LVIII.

Q Uale fit ingenium, nil refert cuique tributum :
Si rectè utaris, dixeris effe probum.

Hypocrita.

EPIGRAMMA LIX.

E St fimilis speculo fucatus hypocrita : vultus
Ambo hominum pandunt, cordaque prava tegunt:

Litigator.

(79)

Litigator.

EPIGRAMMA LX.

C Ur tam multa foro lis fit, tamque ardua, quaris?
Pars quia fraudis amans utraque iniqua petit.

Sui Laudator.

EPIGRAMMA LXI.

S Tultus eris, si cuncta tibi tua facta probentur;
Omnia si damnes, te timor urget iners.

Virtus vera.

EPIGRAMMA LXII.

S I tibi vera placet virtus, si gloria maior:
Quæque palam reliqui, tu tunc teite gere.

Cuius studio

Cui studio incunbendum;

EPIGRAMMA LXIII.

PLus tibi curâ homines inſit, quàm noſcere libros;
Si ſapiens fieri, providus atque velis.

Effè homines plantis ſimiles.

EPIGRAMMA LXIV.

Sunt homines plantis ſimiles, ni fallor; utriſque
Pcenè ſua eſt virtus, abdita ſæpè licet.

Homo vitioſus.

EPIGRAMMA LXV.

Omibus incerta eſt vitiorum meta, moduſque;
Non ſecùs ac vitæ nicta ſuprema latet.

Qualiter

(81)

Qualiter amicis utendum.

EPIGRAMMA LXVI.

SI sapias, utaris parcè, nec semper amico :
Ufus amicitiam nè terat ille frequens,

Odiosus.

EPIGRAMMA LXVII.

NOvimus invisos homines, nobisque molestos ;
Invisos aliis nos tamen esse latet.

Vera sapientia.

EPIGRAMMA LXVIII.

QUI prodest aliis, sapientem dicere noli :
Quem prodesse sibi videris, ille sapit,

L.

Recentes

(82)

Recentes poetas contemnens.

EPIGRAMMA LXIX.

L Audum digna putas priscorum carmina tantum :
Judice te, plausu lic tua musa caret.

Peccandi consuetudo.

EPIGRAMMA LXX.

N E' facile à vitiis homines emergere credas :
Priscam sæpè solet pellere noxa recens.

Adultera.

EPIGRAMMA LXXI.

U Ni nupta viro plures habet Anna maritos ;
Non fraus hoc præstat, sed socialis amor.

De

(83)

De eâdem.

EPIGRAMMA LXXII.

Amplicat Anna tori socialia foedera casti;
Cedere jusque viri non putat esse nefas.

Ultio.

EPIGRAMMA LXXIII.

Cura tibi ultrices nunquàm insit fumere poenas;
Famosas vulgat, non tegit ira notas.

Fortuna.

EPIGRAMMA LXXIV.

Fortunam inculcant inopes, miserique frequenter.
Non tamen infimulant quandiù amica fuit.

(84)

De librorum titulos recitantibus.

EPIGRAMMA LXXV.

Librorum recitans titulos nihil utile præstas :
Arboris haud cortex, poma sed ipsa placent

Idem.

EPIGRAMMA LXXVI.

Nullius es pretii scriptorum nomina narrans ;
Quæ latitant libris, hæc recitare juvat,

Belli non caussa, sed exitus.

EPIGRAMMA LXXVII.

Bellorum caussas nè frustra inquirere pergas :
Falleris his fidens : exitus acta probat,

Timor,

(85)

Timor, & spes.

EPIGRAMMA LXXVIII.

ANxius ille timor, longèque miserrimus extat;
Si quæ animum foveat, spes tibi nulla viget;

Spe cadentium mala.

EPIGRAMMA LXXIX.

OMnia desperans duplici cruciabere damno:
Te mala visa prement, teque futura simul,

Amicus absens.

EPIGRAMMA LXXX.

SI menti assiduus, licet absens, inest amicus:
Non disjunctus erit, proximus imò tibi.

Vera

Vera divitiæ.

EPIGRAMMA LXXXI.

N Unquam pauper eris, maneat si fidus amicus :
Dives amicitiae fit quoque dives opum.

Arma , & blanditiæ.

EPIGRAMMA LXXXII.

A Rmis blanditiæ assimilari posse videntur ;
Istæ bellum animis, urbibus illa parant.

Mulier blæsa , & stulta.

EPIGRAMMA LXXXIII.

T E blæsam, stultamque simul natura creavit ;
Si non blæsa fores, tristior error erat.

Homo

(87)

Homo disertus, sed blæsus.

EPIGRAMMA LXXXIV.

Quantumvis blæsus, sapiens vir es, atque disertus;
Nil recita: laudis sat tibi scripta dabunt.

Dives, & inops.

EPIGRAMMA LXXXV.

Quum fueris locuplex, inopem te copia fecit:
Queis tutò utaris, noscere nescis opes.

Labor à pueritiâ.

EPIGRAMMA LXXXVI.

Dum tenera est ætas, paulatim assuesce labori:
Sic senior spernes ardua quæque pati.

Dens

Deus semper colendus.

EPIGRAMMA LXXXVII.

Q Uærere, quem toto sprevisſti tempore vitæ ;
Obvius haud fiet, te moriente, Deus.

Calvus.

EPIGRAMMA LXXXVIII.

C Alve, tuo cuncti fugiunt è vertice crines :
Pessimum inesse tibi quis neget ergò caput.

Nemo suâ sorte contentus.

EPIGRAMMA LXXXIX.

C Uique suum placet ingenium, placet atque venustas ;
Sors sua cui placeat, credite, nullus erit.

Facili

Faciei nimia rubedo.

EPIGRAMMA LXXXX.

Tota rubet facies tibi semper, totaque cervix;
Est tamen ingenuus nullus in ore pudor.

Importunus salutator.

EPIGRAMMA LXXXXI.

Manè salutator cunctis sis obvius urbe:
Es levis, & vanus, comis & esse putas.

Invidus.

EPIGRAMMA LXXXXII.

Pasceris invidiâ, nequeas si vivere rapto:
Nil fermè hæc distant invidus, atque latro.

M

Equina

Equina Pontici natura.

EPIGRAMMA LXXXIII.

S Tare loco nescis, terram quatis, & tremis artus :
 Natura est, credo, Pontice, equina tibi.

*Moles ignea, mirâ arte elaborata,
 in ortu cujusdam Principis.*

EPIGRAMMA LXXXIV.

F Lamma hæc Æthereas velox quæ tendit in auras,
 Principis obsequio corda cadere notat.

Idem.

EPIGRAMMA LXXXV.

N On satis est tellus, quod plaudent Principis ortum :
 Plaudit & innocuis ignibus Æthra micans.

Idem

(91)

Idem.

EPIGRAMMA LXXXVI.

IGnea quæ Coelo surgit contermina moles ;
Lætitiæ hæc testes gaudet habere Deos,

Mulieris inconstantia.

EPIGRAMMA LXXXVII.

Mobilis est animus tibi, mobilis atque voluntas :
sic nec prava diù, nec bona semper eris.

Statua pedibus aurum calcans.

EPIGRAMMA LXXXVIII.

Divitiis pedibus calcans extollor in altum ;
Promptius hinc potero tendere ad altra viam.

M ii

Lettor

Lector morosus, ac fastidiosus.

EPIGRAMMA LXXXIX.

V Ilia quæque putas, quæ tu non feceris ipse:
Quod nihil ipse facis, vilius hocce puto.

Fortuna meritorum auctrix.

EPIGRAMMA C.

P Ulterior ut nitido comparet foemina cultu;
Sic fors gesta virum splendidiora facit.

Virtus colenda.

EPIGRAMMA CI.

S I non utaris, teritur rubigine ferrum:
Sic teritur virtus, ni proba facta geras.

Auri.

(93)

Aurifodina.

EPIGRAMMA CII.

V Iſceribus cur terra, rogas, abſconderit aurum,
Nè fieret ſacræ tam citò præda famis,

Avaritia.

EPIGRAMMA CIII.

C Ogit avarus opes, nullis quas uſibus aptet;
Non ſecus infernas cogit abyſſus aquas.

Dolor in morte amici.

EPIGRAMMA CIV.

Q Uùm credis deſlere vicem morientis amici,
Jacturam deſles veriùs ipſe tuam,

Plorans

Plorans amicorum coronâ cinctus.

EPIGRAMMA CV.

C Inctus amicorum turbâ tu define fletus ;
Acrius ille dolet , qui sine teste dolet.

Amicitia ambitiosa.

EPIGRAMMA CVI.

D Esine amicorum densam jactare catervam ;
Munerâ si demas , omnis amicus abest.

Heroum examen.

EPIGRAMMA CVII.

P Icturis similes heroas sæpè videbis :
Cuique suum vitium est , si benè discutias.

(95)

De rebus in morem inductis.

EPIGRAMMA CVIII.

U T res in mores inductas sæpè videmus,
Sic etiam inductos novimus esse homines;

Ingenio facile obtemperans.

EPIGRAMMA CIX.

A Mbitio cui cæca placet, nimis ardua querit;
Et velut ægrotus noxia sæpè cupit.

Clementia quid sit.

EPIGRAMMA CX.

S Circè cupis forsàn, quid sit clementia, lector?
Laudis amor sæpè est, sæpè timoris opus.
Est & segnities, pacis vel prona lubido;
Causus his virtus sæpiùs ista subest.

Calumnias

(96)

Calumnia.

EPIGRAMMA CXI

Mille modis serpit spinosa calumnia terris ;
Invidiæque locus multus ubique patet.
Crimina si vites , recti simulator habetis :
Diceris & nequam , si tibi noxa levis.

Cor hominis cognitu difficile.

EPIGRAMMA CXII.

Sunt, qui sydereos obitus scrutantur & ortus ;
Quosque regit cursus candida luna suos :
Non tamen abstrusos hominum cognoscere sensus ,
Cordis nec latebras ullus adire potest.

*De ebria, se librorum belluonem
esse jactante.*

EPIGRAMMA CXIII.

Helluo librorum cenceri percipit Aulus;
Qui vix ad calcem paucula scripta legit;
Librorum potor meliori jure vocandus,
Qui libris Bacho sæpè litare solet.

Causfidicus.

EPIGRAMMA CXIV.

Munere causfidici nihil est securius Orbe;
Sivè cadit causa, vincere sivè datur.
Alea quin instet fallax, dubiumque periculum
Undique causfidico sportula multa venit.

Furti restitutio.

EPIGRAMMA CXV.

Q Uæ rapuit populo Marcus, vult reddere templis,
 Postque deleri sic putat ille scelus.
 Fallitur at raptis cumulans altaria donis;
 Dona Deo nunquam crimine parva placent.

Uxor impudica.

EPIGRAMMA CXVI.

A Lmæ pacis amans deformem ducere mavult
 Ponticus uxorem; nil tamen hocce juvat.
 Nullus erit turpis circumdans limina nuptæ,
 Attamen illa alibi quæret habere procos.

(99)

Pictor, & fur.

EPIGRAMMA CXVII.

C Onsimilem furi pictorem censeo quemque;
Scilicet ex rapto vivit uterque suo.
Ille aurum, effigies hominum rapit iste tabellis;
Esse tamen dispar fors, utriusque solet.

Fortuna inconstans.

EPIGRAMMA CXVIII.

S Tare loco nescit, miscetque adversa secundis;
Semper & immutat fors fugitiva vices.
Hinc fortunati mutant pravo ordine mores;
Hinc qui comis erat, forte favente, tumet.

(100)

Nil desperandum.

EPIGRAMMA CXIX.

F Alleris adversis desperans omnia rebus :
Nunquam fors stabili sistere visa gradu?
Commutat levis illa vices, successibus anceps ;
Quæque modò infausta est, fausta redire solet!

Properata beneficiorum remuneratio.

EPIGRAMMA CXX.

Qui benefacta cupit properatâ reddere curâ ;
Ingratum hunc potius dicere jure potes,
Hic doni detrectat onus gestare recepti ;
Hunc pudet officii, muneris atque tui.

Lauri

Laurus de Cælo tacta.

EPIGRAMMA CXXI.

LAurus Apollinei merces, fructusque laboris
 Fulmine de Cælo tacta repente fuit.
 Non tamen immeritâ credas periisse ruinâ;
 Hanc Jovis, & Phœbi sustulit ira flagrans;
 Nempe caput lauro temerè tot cingere vates
 Displicuit Phœbo, displicuitque Jovi.

Exterarum rerum laudator.

EPIGRAMMA CXXII.

QUI mare, qui terras, alienaque littora laudas,
 Qui mores aliôs, deliciasque sonas.
 Nunc tamen ad patrios gestis remeasse Penates,
 Antiquosque redux incolis ipse lares.
 Ergo vel infanus nobis mendacia narras;
 Omine vel lævo regna beata fugis.

Surdus;

Surdus , & loquax.

EPIGRAMMA CXXIII.

D Ura tibi auditum prorsus natura negavit ;
Præstitit at facili fundere verba sono.
Organa si potius nollet concedere vocis ,
Mitius id nobis , & minor error erat.

*Auctor Septingenarius Poeseos ad-
huc amator.*

EPIGRAMMA CXXIV.

B Is septem exegi dextro mihi numine lustra ,
Addita queis poenè est altera messis adhuc.
Gestio sæpè tamen Parnassi scandere culmen ;
Pindi meque sacri per juga raptat amor.
Scilicet excelsi degens in vertice montis ,
Jam propius Cœlo degere jure reor.

*De Ave pulchrè, perfectèque co-
loribus expressâ, & caveâ
inclusâ.*

EPIGRAMMA CXXV.

Quam modò pictor avem depinxit callidus arte,
Sensibus hæc poterit necesse pulchra dolos.
Hanc mulcere putes aptam concentibus auras,
Raptam & pennigero dixeris esse gregi.
Si caveam referes, facilisque repagula laxes;
Præpetibus pennis nixa volabit avis.

*In funere Doctissimi, piissimique
viri Hieronymi de Casti-
lho Societ. Jesu.*

EPIGRAMMA CXXVI.

Improba castilhum rapuit Libitina d'fertum,
Intus alens febrim, quæ pia membra coquat.
Non unum hic Phœbi sublatum flemus alumnum,
Funere multiplici sævit illa dies.

Occidit

Occidit imbutus sacræ vir Palladis arte ;
 Rectaque vir doctus scita referre Patrum.
 Occidit Aoniæ præstantior incola rupis ,
 Virque sciens cytharæ , Pieridumque comes.
 Occidit Ausonii cultor , custosque leporis ,
 Vindice quo Latii gloria prisca viget.
 Possumus hinc itragem , non unum dicere fatum ;
 Statmina cùm tanti rupta fuere viri.
 Nempe tot heroum tulerit , cùm vixit , honores ;
 Fas erit indè virum credere multiplicem.

*In funere Melchioris do Rego de
 Andrade , amplissimo ma-
 gistratu functi.*

EPIGRAMMA CXXVII.

S Ontibus infensus fuerat , qui criminis ultor ;
 Et ferre impatiens quodlibet urbe scelus.
 Vindice quo prisca viguerunt jura Lycurgi ,
 Tutaque Romulei scita steterè fori.
 Hic jacet exanimis , sero nec lumine cassus ,
 Fatorum æternos lege vetante dies.
 Hic jacet urbis amor , populi custodia frugi ,
 Certior ara inopum , muneris atque fator.
 Manibus ergo piis moesti referantur honores ,
 Iustaque persolvat planctus ubique frequens.
 Ritè operata umbris mixto sint omnia luctu ;
 Funebris & surgat multa cypressus humo.

*In funere Doctissimi , Piissimi ,
Amicissimique viri Petri
de Almeyda Societ.
Jesu.*

EPIGRAMMA CXXVIII.

A Spera ferales edat modò tibia cantus ;
Sollicitentque sonos tristia plectra suos.
Indociles pia vota pati rupere sorores
Stamina, perpetuo pollice digna trahi.
Plurima surgat humo luctum testata cupressus ;
Stet quoque mæsta Petri manibus ara frequens.
Doctior haud alius victuras condere chartas
Scriptor , & Ausonio dulcius ore loqui.
Cultus erat sermo, pressis & copia verbis ,
Quam sibi Velleius, quam sibi Crispus amet.
Fuderat Andino ter carmina digna cothurno ;
Moverat & Flacci pollice fila lyræ.
Dixeris auritas numeris hunc ducere quercus ,
Et Cadmæâ iterùm saxa movere chely.
Dixeris requoreas nantem Delphina per undas
Malle hunc impositum sustinuisse jugo.
Quid memorem imbutum cœlesti Pallade pectus ?
Hautaque quid sacro dogmata fonte loquar ?
Ignea vis olli, Cœlo dimissa sereno ,
Nesciit Japeti quam genus antè rapax.
Hinc populi in frugem scivit deducere mores ;
Integer ut vitæ sacra , Deosque colat.

Olli nullus erat quærendi nominis ardor ;
 Ulla nec innocuæ laudis anhela sitis.
 Quàm recti docilis, quàm mens impervia fucò ;
 Et flecti pravo nescia quàmque dolo.
 Artibus his plebis studium captavit & Aulæ ;
 Artibus his placuit Numinibusque suis.
 Tertia sex denis quàm messibus additur æstas ;
 Immatura Petrum, fors & iniqua rapit.
 Quid non sydereo seriam clamoribus axes ?
 Quid non hanc diris devoteamque diem ?
 Stet tibi perpetuis obductus nubibus æther,
 Subtrahat atque suum Phœbus ab Orbe jubar ;
 Te Jovis imperio fulmen deturpet, & imber,
 Gentibus exosam, numinibusque sacris.
 Manibus apta ramen solvantur iusta beatis,
 Cunctaque sint umbris ritè operata piis.
 Quas meruit lacrymas rapto libemus amico ;
 Sparsaque sit violis, tristis & urna croco ;
 Lilia fundantur, tumuloque appensa silenti
 Stet lyra, stet nullo pectine pulla chelis.

*De effigie clarissimi viri Raphaelis
 Bluteavii Cler. Reg. co-
 loribus expressâ.*

EPIGRAMMA CXXIX.


HÆc Raphaelis erat quondam viventis imago :
 Si cupias mentem noicere, scripta lege.

De

*De effigie clarissimi viri Emmanuelis
Caietani de Souza , Cler. Reg.
Coloribus expressâ.*

EPIGRAMMA CXXX:

HÆc Souzae effigies : omnes quas calluit artes ,
Ingeniique aciem nemo referre potest ,



SEQUENTIA
MISSÆ
PRO DEFUNCTIS

Versibus Exametris.

DIES ira, dies illa
Solvat saculum in favillâ;
Teste David cum Sibyllâ.

Fervens illa dies irâ, spiransque furorem
In cineres Orbem solvet, tenuisque favillas;
Teste Sibyllarum monitu cum Davide teste,

*Quantus tremor est futurus;
Quando iudex est venturus,
Cuncta strictè discussurus.*

Membra tremor quatiet miserè languentia quantus,
Judicis adventus fuerit cùm proximus Orbi;
Crimina discutiat strictè qui cuncta severus.

Tuba

*Tuba mirum spargens sonum
Per sepulchra Regionum
Coget omnes ante thronum.*

Horrificum tuba rauca sonum mortalibus edet,
Corpora quo gestis Regionum extracta sepulchris
Colligat, atque throno faciat se sistere cello.

*Mors stupebit, & natura,
Cum resurget creatura
Judicanti responsura.*

Naturam, mortemque premet stupor improbus, auras
Rursus ad Æthereas cum gentes undique surgent,
Reddere quas iudex cogat responsa supremus.

*Liber scriptus proferetur,
In quo totum continetur,
Unde Mundus iudicetur.*

Proferet ipse olim scriptum miro ordine librum,
Omnia terrigenum quo plenè gesta notantur,
Æquarum legum vindex, ut iudicet Orbem.

*Judex ergò cum sedebit,
Quidquid latet, apparebit;
Nil inultum remanebit.*

Judex

(III)

Judex ergò æquus foliò cùm federit a'to?
Omnia, quæ tenebris olim latuere, patebunt;
Judicioque scelus nullum remanebit inultum.

*Quid sum miser tunc dicturus, cingit illi?
Quem patronum rogaturus, cingit illi?
Cum vix justus sit securus,*

Dicere quid potero miseris tot casibus actus?
Quemvè rogaturus dubiâ sum lite patronum?
Cum casto securus crit vix pectore justus.

*Rex tremenda Maestatis, ore tremendam,
Qui salvandos salvas gratis, Coeloque beare,
Salva me; fons pietatis,*

Qui magestatem geris, ò Rex, ore tremendam,
Et salvare soles gratis, Coeloque beare,
Mî concede frui pietatis fonte perenni.

*Recordare Jesu pie,
Quòd sum causa tua via,
Nè me perdas illâ die.*

Quòd fuerim tibi causâ viæ, prædulcis Jesus,
Te precor, æternum memori sub pectore scrva,
Nè funesta dies fato me vexet acerbo.

Qua-

(112)

*Quærens me sedisti lassus,
Redemisti crucem passus:
Tantus labor non sit cassus.*

Sedisti vario quærens me tramite lassus ;
Meque crucis pœnam redemisti passus acerbam
Nè cassus fiat labor iste, nec irrita cura.

*Iuste iudex ultionis
Donum fac remissionis
Antè diem rationis.*

Quòd si, sanctarum vindex æquimissè legum ;
Judicio meritas teneor persolvere pœnas ;
Ante diem, quæso, rationis crimina solve.

*Ingemisco tanquàm reus,
Culpâ rubet vultus meus,
Supplici parce Deus.*

Effundogemitus noxarum mole gravatus ;
Multiplicique rubet pudibundus crimine vultus ;
Parce Deus misero, veniam mihi præbe roganti,

*Qui Mariam absolvisti,
Et latronem exaudisti,
Mihi quoque spem dedisti.*

Crimine

Crimine qui Mariam solvisti, quique latroni
Te facilem præbes votis, precibusque moveris,
Spem mihi non dubiam pariter prius ipse dedisti.

*Preces mea non sunt dignæ,
Sed tu bonus fac benignè,
Nè perenni cremer igne.*

Prosequor indignis precibus tua Numina forsan?
Sed bonus, & clemenses, nec patiere benignus
Me stygias mitti in sedes, ignemque perennem.

*Inter oves locum præsta,
Et ab hædis me sequestra,
Statuens in parte dextrâ.*

Inter oves positus, longèque remotus ab hædis,
Ad dextramque tuam sublimi sede locatus
Fac, ut cælicolùm felix ego cætibus addar.

*Confutatis maledictis,
Flammis acerbis addictis
Voca me cum benedictis.*

His confutatis, qui crimina dira patrarunt;
Atque Erebi addictis flammis ultricibus attri,
Ad superi me regna Poli concede vocari.

P

Oro

*Oro supplex, & acclinis;
Cor contritum quasi cinis,
Gere curam mei finis.*

Te supplex, scelerum quæso te pondere pressus,
Cordeque contrito cineris fumantis ad instar,
Cura mei finis tibi sit, fortisque benignæ.

*Lacrymosa dies illa,
Quæ resurget ex favillâ
Judicandus homo reus.*

Flebilis illa dies, toti lacrymosaque mundo;
Quùm reus æthereas iterùm remeabit ad auras;
Examen scelerum ut subeat, cedente favillâ.

*Huic ergò parce Deus,
Pie Jesu, Domine,
Dona eis requiem amen.*

Huic ergò ancipiti mentem formidine pressô
Parce Deus, veniam clemens concede roganti,
Æternam requiem facilis da gentibus, amen.

EADEM

EADEM SEQUENTIA

Versibus Saphicis.

DIES iræ, dies illa
 Solvet sæculum in favillâ,
 Teste David cum Sibyllâ.

Æstuans iræ stimulis acerbæ,
 Heu dies orbem miserè in favillas
 Solvet, ut sacro canit ore David,
 Utque Sibylla.

*Quantus tremor est futurus,
 Quando iudex est venturus,
 Cuncta stricte discussurus.*

Quantus infaustæ tremor est futurus
 Gentis, excelsò veniens Olympo
 Cuncta quùm stricte scelerata quæret
 Crimina iudex.

*Tuba mirum spargens sonum
 Per sepulchra regionum
 Coget omnes ante thronum.*

Sparget horrendum tuba rauca murmur,
 Membra quo surgant iterùm sepulchris,
 Seque funestum rediviva sistant
 Antè tribunal.

*Mors stupebit, & natura,
 Quùm resurget creatura
 Judicanti responsura.*

Morte, naturâque stupente, gentes
 Haurient vitam, scelerum daturæ
 Judici causas, licet ora terror
 Urgeat ingens.

*Liber scriptus proferetur,
 in quo totum continetur,
 Undè Mundus judicetur;*

Gentis humanæ liber ergò pandet
 Gesta, veraci calamo notata,
 Censor ut morum gravis indè totum
 Judicet Orbem.

*Judex ergò quùm sedebit,
 Quidquid latet, apparebit,
 Nil inultum remanebit.*

Ergò

Ergò perspectum veniet sedenti
 Judici, quidquid tenebris latebat :
 Nil erit velatum oculis, inultum
 Nilque manebit.

*Quid sum miser tunc dicturus,
 Quem patronum rogaturus,
 Quàm vix iustus sit securus.*

Ore quas fundam miser ipse voces ,
 Quem legam causæ dubiæ patronum ,
 Iusta vix quandò irrequieta curis
 Corda vacabunt ?

*Rex tremenda Maiestatis,
 Qui salvandos salvas gratis,
 Salva me , fons pietatis.*

Cui potens, ò Rex, residet tremenda
 Fronte maiestas, hominesque gratis
 Quos velis servas, mihi mitis esto
 Fons pietatis.

*Recordare Jesu pie,
 Quòd sum causa tua via,
 Nè me perdas illà die.*

Quod

Quòd viæ quondàm tibi causâ tantæ
 Extiti, quæso, maneat repostum
 Mente, ne casu miser ipse perdar
 Aëtus acerbo.

*Quærens me sedisti lassus,
 Redemisti crucem passus,
 Tantis labor nè sit cassus.*

Confides lassus per aperta quæque
 Me sequens, gentes redimitque passus
 Tu crucem; nè sit labor iste tantus
 Irritus Orbi.

*Iuste iudex ultionis
 Donum fac remissionis
 Antè diem rationis.*

Iusta cui legum placet, & sévera
 Ultio, pœnas meritas remitte,
 Antequàm tempus rationis instet
 Crimina plectens.

*Ingemisco tanquàm reus;
 Culpâ rubet vultus meus,
 Supplici parce Deus.*

Instar

Instar emitto gemitus nocentùm;
 Et genæ culpâ nimîâ rubescunt :
 Parce placatus; miserisque præsta
 Vocibus aurem.

*Qui Mariam absolvisti ,
 Et latronem exaudisti ,
 Mihi quoque spem dedisti.*

Qui pius noxas Mariæ remittis;
 Quique te præbes facilem latroni,
 Ipse ipem nobis pariter salutis
 Spontè dedisti.

*Preces mea non sunt dignæ;
 Sed tu bonus fac benigne,
 Nè perenni cremer igne.*

Te parùm dignis precibus fatigo :
 Me tamen clemens, facilisque flecti
 Nè finas Orco miserè cremari
 Igne perenni.

*Inter oves locum præsta ,
 Et ab hadis me jequestra ,
 Statuens in parte dextrâ.*

Dexterâ

Dexterâ, quæso, liceat locari,
 Meque oves inter placidas adesse,
 Indè depulsis, positisque longè
 Turpiter hædis.

*Confutatis maledictis ;
 Flammis acribus addictis ;
 Voca me cum benedictis.*

Sontibus pœnas scelerum coactis
 Pendere, addictis Erebiq;ue flammis ;
 Me choris Divum, superumque lætis
 Inferre templis.

*Oro supplex, & acclinis ;
 Cor contritum quasi cinis,
 Gere curam mei finis.*

Corde compuncto, cinerisque pœnè
 Instar attrito, tibi cura finis
 Sit mei, quæso, tibi cura fortis
 Sitque benignæ.

*Lachrymosa dies illa ;
 Quâ resurget ex favillâ
 Judicandus homo reus.*

Hcu

Heu dies Orbi lachrymosus instat,
 Quo reos vitæ miseræ favilla
 Reddet; examen subeant, ut æquo
 Judice coram.

*Huic ergò parce Deus,
 Pie Jesu Domine,
 Dona eis requiem, amen.*

Ergò eis poenas scelerum remitte,
 Vocibus flexus miseris Jesus;
 Annue & votis, requiemque dona
 Omnibus, amen.

P R O T E S T A T I O.

QUùm in hoc libello Latini sermonis integritati consulentes Fata, Numina, Deos, Jovem, aliasque hujusmodi voces adhibemus, cæ non nisi Christiano usui, notionique subjectæ à nobis usurpantur; neque enim nobis sanctius aliquid, antiquiusque est, quàm disciplinis, institutisque à Sanctâ Romanâ Ecclesiâ traditis firmiter, ac perpetuò adhærescere.

I N D E X

EPIGRAMMATUM

A

A Bſtineas quæſo. p. 63.
 Accipe fragrantis. p. 42.
 Accipe venturi. p. 28.
 Æſtubus exuri. p. 52.
 Alma dies propera. p. 4.
 Alme pacis amans. p. 98.
 Ambitio cui cæca placet. p. 95.
 Ampliat Anna. p. 83.
 Anxius ille timor. p. 85.
 Armis blanditiæ. p. 86.
 Ars tibi ſola placet. p. 65.
 Artis Apellæ e columnen. p. 14.
 Artis Apellæ e veniat. p. 56.
 Artibus ingenuis. p. 69.
 Aſpera ferales. p. 105.
 Attrahit ut ferrum. p. 64.
 Aurea quos olim. p. 55.

B

B Arbara Romuleæ. p. 5.
 Bellorum cauſas. p. 84.
 Bis jam tricenâ. p. 13.
 Bis ſeptem exegi. p. 102.

C

C Ærula quæ totiès. p. 20.
 Calve tuo cuncti. p. 88.
 Candida gemma diem. p. 33.
 Canitiem celare. p. 59.
 Carmina, quæ luli. p. 1.
 Cernis ſepè meos. p. 15.
 Chara Deum ſoboles. p. 53.
 Cinctus amicorum. p. 94.
 Cogit avarus opes. p. 93.
 Conditur hac triſti. p. 16.
 Conditur hoc tumulto. p. 24.
 Conſimilem fieri. p. 99.
 Copia librorum. p. 62.
 Crimina quòd lateant. p. 77.
 Crimina quàm poſſis. p. 67.
 Cui deerit virtus. p. 76.
 Cuique ſuum placet. p. 88.
 Cur ſic tabeſcis. p. 23.
 Cur tam multa foro. p. 79.
 Cura tibi ultrices. p. 83.

D

D Eſine amicorum. p. 94.
 Q u i De

Detrectare soles. p. 54.
 Dextera quot cives. p. 28.
 Dî tibi sedato. p. 23.
 Distat ab irato. p. 59.
 Diva potens frugum. p. 20.
 Divitias pedibus calcans. p. 91.
 Dum fueras felix. p. 27.
 Dum tener est. p. 68.
 Dum tenera est ætas. p. 87.
 Dura tibi auditum. p. 102.

E

E Dere quem licuit. p. 31.
 Edere quum possis. p. 43.
 Eo brevis, exiguus p. 71.
 Est similis speculo. p. 78.
 Et dentes, simulacque. p. 66.
 Exiguos natura dedit. p. 72.

F

F Alleris adversis. p. 100.
 Fausta dies nostris. p. 46.
 Ferrea quid quereris. p. 49.
 Ferreus ille fuit. p. 19.
 Ferreus ille riget. p. 41.
 Flamma hæc æthereos. p. 90.
 Flave comam. p. 14.
 Firma valetudo. p. 77.
 Fœmina thesauro. p. 77.
 Fortunam incusant. p. 83.
 Frigida curantur. p. 64.

Fructibus ut prodest. p. 60.
 Frustrâ aliis. p. 62.

G

G Esta atavum. p. 64.
 Grata fugax rerum. p. 34.
 Grata tibi quamvis. p. 18.

H

H Actenûs armorum. p. 47.
 Haftenûs astriferæ. p. 44.
 Haftenûs imperium. p. 36.
 Hæc Raphaelis erat. p. 106.
 Helluo librorum. p. 97.
 Hæc Soufæ effigies. p. 107.
 Heroum non una. p. 74.
 Hospita cum puppis. p. 10.
 Hic ubi fulgebat. p. 21.
 Hic ubi prospecto. p. 40.
 Hic Juno. p. 45.

I

I Actat opes Marcus. p. 39.
 Jam nova progenies. p. 49.
 Jam tibi permixtis. p. 32.
 Jam tua deturpant. p. 5.
 Idem animus. p. 73.
 Ignea quæ Cœlo. p. 01.

I li-

I liber, & notos. p. 2.
 Immanes qui cœdē auri. p. 9.
 Impendent dum fata. p. 70.
 Impiger umbrosos. p. 37.
 Improbā Castilhum. p. 103.
 Improbos armorum. p. 38.
 Inprobos obtundis. p. 22.
 Ingenium natura dabit. p. 73.
 Ingluviem scētari. p. 69.
 Jure putant homines. p. 3.

L

L Audum digna putas. p. 82.
 Laurus Apollinei. p. 101.
 Libera quæ patrio. p. 16.
 Librorum titulos recitans. p. 84.
 Litis amans. p. 22.
 Lumine quod caesus. p. 70.

M

M Anē saluator. p. 89.
 Marcescit corpus. p. 28.
 Marcus agit causas. p. 57.
 Marmoreo hoc tumulo. p. 51.
 Mille cicatrices. p. 71.
 Mille modis serpit. p. 96.
 Mobilis est animus. p. 91.
 Multa tibi adversis. p. 69.
 Munere caulidici. p. 97.

N

N è facile à vitiis. p. 82.
 Nè quid inaudita. p. 65.
 Nè pudat vitare. p. 68.
 Nè sancita dolo. p. 69.
 Nexus amicitiae. p. 61.
 Nondum bis decimus. p. 51.
 Non satis est. p. 90.
 Non urbanā pati. p. 6.
 Novimus invisos. p. 81.
 Nulla tibi arrident. p. 37.
 Nulli cura loco. p. 66.
 Nunquam pauper eris. p. 86.

O

O fficiosus ave. p. 8.
 Omnia desperans. p. 85.
 Omnia nè dubites. p. 61.
 Omnibus incerta est. p. 80.
 Omnibus ut notus. p. 35.
 Otia dum quæris. p. 71.

P

P Arce minis. p. 68.
 Parcius utaris. p. 7.
 Pasceris invidia. p. 89.
 Paulum distat inops. p. 58.
 Pessimā si mulier. p. 66.

Pi:

Picturis similes. p. 94.
 Plus tibi curæ insit. p. 80.
 Prædonum malè fida. p. 8.
 Præmia si demas. p. 61.
 Pronuba Juno vent. p. 25.
 Pulchrior ut nitido. p. 92.

Q

Quæ patrio, Neptune.
 p. 4.

Quæ rapuit populo. p. 98.
 Quæ te laudandi. p. 29.
 Quæ vesana tuum. p. 45.
 Quæres quem toto. p. 88.
 Quale sit ingenium. p. 78.
 Quam modo pictor. p. 103.
 Quam modò vulgasti. p. 11.
 Quam benè respondit. p. 24.
 Quam scitè excudis. p. 53.
 Quamvis blæsus. p. 87.
 Quem foedis natura. p. 63.
 Qui bene facta cupit. p. 100.
 Qui fandi doctus. p. 50.
 Qui fuerat medicus. p. 55.
 Qui gerit ore minas. p. 67.
 Qui mare, qui terras. p. 101.
 Qui prodest aliis. p. 81.
 Qui recti docilis. p. 40.
 Quid sit scire cupis. p. 60.
 Quinam aliis. p. 34.
 Quod Mœcenati. p. 48.
 Quod non hic tenero. p. 47.
 Quod patris diuturna. p. 12.
 Quod puer, aut senior. p. 70.

Quod tua Mœcenas. p. 25.
 Quod tibi Mœcenas. p. 52.
 Quos hucusque. p. 7.
 Quos modò vulgavi. p. 32.
 Quum credis deslere. p. 93.
 Quum decursa tibi. p. 44.
 Quum fueris locuplex. p. 87.
 Quum pressus languore. p. 48.
 Quum vitia à nobis. p. 74.

R

Rarus amicitie. p. 75.
 Rarus amor terris. p. 75.
 Rumperis invidia. p. 65.
 Ruris amans. p. 56.

S

Sæpè aciem in pelagi. p. 11.
 Sæpè animos anceps. p. 72.
 Sæpè Deos precibus. p. 74.
 Sæpè meos carpis. p. 54.
 Sæpè trahis vultus. p. 18.
 Sæpè tuæ stirpis. p. 27.
 Sæpiùs ægrotas. p. 42.
 Scire cupis, liceat. p. 38.
 Scire cupis forsàn. p. 95.
 Scita patrum. p. 62.
 Si menti assiduus. p. 85.
 Si non utaris. p. 92.
 Si plures numerare. p. 63.
 Si quâ labe vaces. p. 76.

Si

Si sapi, utaris. p. 81.
Si tibi libertas. p. 13.
Si tibi nullus inest. p. 72.
Si tibi vera placet. p. 79.
Sobrius ille est. p. 73.
Sola quoddam evulgem. p. 36.
Sortibus infensus. p. 104.
Stare loco nescis. p. 90.
Stare loco nescit. p. 98. & 99.
Stultus eris. p. 79.
Sunt homines plantis. p. 80.
Sunt qui sydereos. p. 96.

T

TE blasphemam, stultamque. p. 86.
Te facilem vultu. p. 29.
Te Moecenatem. p. 12.

Te miserum dices. p. 67.
Tertia jam rediit. p. 26.
Threicii pergrata. p. 35.
Temperat hic vitiis. p. 76.
Tonior heri fueras. p. 30.
Tota rubet facies. p. 89.

U

UBerior quam. p. 17.
Vidimus è filice. p. 46.
Vilia quæque putas. p. 92.
Vincere difficile est. p. 75.
Visceribus cur terra. p. 93.
Vitales puer iste. p. 39.
Vivitur ex rapto. p. 57.
Uni nupta viro. p. 82. & 83.
Urna sepulchralis. p. 10.
Ut res in mores. p. 95.

I N D E X

L E M M A T U M.

A

Absens amicus. p. 85.
 Accusatio litterarum tarditatis.
 p. 26.
 Adultera. p. 82. & 83.
 Ægrotus amicus. p. 41.
 Ætas ad discendum. p. 70.
 Ambitiosus. p. 98.
 Ambulator perpetuus. p. 9.
 Amencia, & ira. p. 59.
 Amicitia ambitiosa. p. 94.
 Amicitiam expellunt commoda. p. 75.
 Amicus. Quomodo agendum cum amico. p. 61.
 Amicus morbo laborans. p. 41.
 Amicum consolatur de Mœcenatis inertia. p. 25.
 Amicus absens. p. 85.
 Amicus raro scribens. p. 26.
 Amicus ex inimico. p. 7.
 Amicus. Ex amico inimicus. p. 61.
 Amicus. Quomodo utendum amico. p. 81.

Amici mors. p. 40.
 Amor initio fugiendus. p. 68.
 Amor, & beneficia. p. 75.
 Antonius. Funus Antonii dos Reys. p. 16.
 Apollo. Vates se totum tradit Apollini. p. 34.
 Aq̄eductus Urbis. p. 16.
 Arma, & blanditiæ. p. 86.
 Astronomi mors. p. 44.
 Avaritia similis Abyssu. p. 93.
 Avaritia summa. p. 46.
 Avarus mortem sibi exoptans. p. 9.
 Avarus senex. p. 5.
 Avarus. Sepulchrū avari. p. 10.
 Avis cavea inclusa. p. 103.
 Auritadina. p. 93.
 Auctor septagenarius. p. 102.
 Auctor ingenuus. p. 48.
 Azevedio liber missus. p. 31.

B

Bellator iniquus. p. 38.
 Bellator iustus. p. 38.
 R Bellum,

- Bellum. Belli execratio. p. 19.
 Bellum. Belli causa, & exitus.
 p. 84.
 Benefacta, & amor. p. 75.
 Beneficiorum remuneratio. p.
 100.
 Bibliotheca quid sit. p. 62.
 Blæsa mulier, & stulta. p. 86.
 Blæsus homo, sed disertus. p. 87
 Bluteavii effigies. p. 106.

C

- Cæcus, & deformis. p. 70.
 Calumnia. p. 96.
 Calvus. p. 88.
 Canities. p. 59.
 Causidicus senex. p. 44.
 Causidicus pessimus. p. 57.
 Causidicus semper securus
 sportulæ. p. 97.
 Clementia quid sit. p. 95.
 Convivator magnificus. p. 3.
 Cor difficile cognitu. p. 96.
 Crimina aliis obijciens. p. 76.
 Criminis horror. p. 72.
 Cupidines prave. p. 75.
 Curæ ubique angunt. p. 66.
 Curforis epitaphium. p. 24.

D

- Destructor. p. 12.

E

- Efigies P. Bluteau.
 Effigies P. Souza.
 Epitaphium curforis. p. 24.
 Epitaphium Ducis de Cadaval.
 p. 53.
 Equina natura. p. 90.
 Emmanuelli de Azevedo liber
 missus. p. 31.

F

- Facies rubedo. p. 89.
 Felix, & infelix. p. 27.
 Fides dolosa. p. 69.
 Flores amico mittit. p. 42.
 Fœmina, & thesaurus. p. 77.
 Fœneratoris domus incendio
 absumpta. p. 21.
 Fortuna. p. 83.
 Fortuna inconstans. p. 99.
 Fortuna auget merita. p. 92.
 For-

Fortuna, & prudentia. p. 60.
 Funus Antonii dos Reys.p.16.
 Funus Hier. de Castilho. p. 103.
 Funus Melchioris do Rego. p. 104.
 Funus Petri de Almeida. p. 105.
 Furtum. Cui facienda restitutio furti. p. 98.

H

Helluo librorum. p. 97.
 Helluo stolidus. p. 69.
 Heroum differentia. p. 74.
 Heroum examen. p. 94.
 Homo vitiosus. p. 80.
 Homines plantis similes. p. 80.
 Hortus amici. p. 24.
 Hortus suburbanus. p. 17.
 Humanitas. Humanitatis commendatio. p. 29.
 Hypocrita. p. 78.

I

Iactator maiorum degener. p. 64.
 Iactator opum. p. 39.
 Ignea moles. p. 90.
 Imago Junonis. p. 45.
 Ingenio facile obtemperans. p. 95.
 Ingenium cuiusvis. p. 78.

Ingenium felix. p. 73.
 Innocens quis sit. p. 77.
 Inops. & avarus. p. 58.
 Invidus. p. 23. & 65. & 89.
 Jovis statua. p. 53.
 Ira, & amentia. p. 59.
 Iudex incorruptus. p. 65.
 Iudicis officium. p. 65.
 Junonis imago. p. 45.
 Juventus quid sit. p. 60.

L

Labor à pueritiâ. p. 87.
 Latronum protervitas, & impunitas. p. 8.
 Laudator dolosus. p. 36.
 Laudator exterarum rerum. p. 101.
 Laudator fui ipfius. p. 29. & 79.
 Laurus de Cælo tacta. p. 101.
 Lector morosus. p. 92.
 Legatus Gallie. p. 3.
 Liberalitas. Commendatio Liberalitatis. p. 28.
 Libellus amico missus.
 Libellum emendandum amico mittit p. 1.
 Libellum amico commendat. p. 32.
 Liber in exteras regiones missus p. 2.
 Libros ut edat, amicum hortatur. p. 43.
 R ii Li:

- Librorum cognitor ineptus. p. 55.
 Librorum venditio. p. 49.
 Librorum titulos recitans. p. 84.
 Liber, liberi. Educatio malaliberorum. p. 69.
 Libertas vera. p. 13.
 Litigator. p. 79.
 Litigator infelix. p. 22.
 Litterarum tarditas. p. 26.
 Mœcenatis inertia. p. 25.
 Mœcenas stultè inculcatus. p. 52.
 Moles ignea. p. 90. & 91.
 Morbo semper affectus. p. 42.
 Mores. Res inductæ in mores. p. 95.
 Mores. Morum integritas. p. 34.
 Mulier blæsa, & stulta. p. 86.
 Mulieris inconstantia. p. 91.
 Musicæ amator. p. 18.

M

- M** Agistratus incuria. p. 67.
 Maledicus. p. 15.
 Malorum imprecatores. p. 62.
 Medicamentis semper utens. p. 7.
 Medicus antea miles. p. 35.
 Medicus consortium aliorum respuens. p. 45.
 Medicus febrem semper inveniens. p. 52.
 Medicus garrulus. p. 48.
 Medicus postea Juris-Consultus. p. 55.
 Medicus subitaneus. p. 30.
 Melancholicus. p. 18.
 Miles postea medicus. p. 35.
 Miles postea poeta. p. 47.
 Minæ cur non noceant. p. 67. & 68.
 Miser, & fortunatus. p. 67.
 Moderatio falsa. 76.
 Mœcenas avarus. p. 12.

N

- N** Atalis dies amici. p. 4. & 33. & 46.
 Natus patri dissimilis. p. 47.
 Navis fulmine combusta. p. 20.
 Navium speculator. p. 10. & 11.
 Nobilitatis jactator. p. 27.
 Notus aliis, non sibi. p. 35.
 Novatores. p. 62.

O

- O** Diosus. p. 81.
 Otiosus, otii amator. p. 71.

Pater

P

Pater, & filius dissimiles. p.

47.

Pax Ultrajectensis. p. 36.

Peccandi consuetudo. p. 72.

& 82.

Periculum p. 70.

Petri de Almeida Epitaphium.

Pictor, & fur. p. 99.

Pictor se pingens. p. 14.

Pictura. p. 56.

Piger corpore, & animo. p. 78.

Plantis homines similes. p. 80.

Plorans inter amicos. p. 94.

Poeta furax. p. 57.

Poeta malus, & raptor. p. 55.

Poeta malus alios damnans. p. 54.

Poeta pessimus.

Poetae recentes. p. 82.

Poeta subitaneus. p. 51.

Preces aliquando noxiae. p. 74.

Puer vix natus, & mortuus.

p. 39.

Pumilio improbus. p. 71.

Pumilio stolidus. p. 72.

R

R Eorum tormenta. p. 63.

Rhetor tacens. p. 65.

Rhetor repente mortuus. p. 50.

Responsio mollis. p. 64.

Ruris amator. p. 56.

S

S Alutator importunus. p. 81.

& 89.

Sapientia vera. p. 81.

Senex avarus. p. 5.

Senex choreis adhuc indul-

gens. p. 13.

Sobrietas vera. p. 73.

Sors. Nemo sua forte conten-

tus p. 88.

Souzæ effigies. p. 107.

Speculator navium. p. 10. 11.

Spes, & timor. p. 85.

Spes. Mala spe cadentium. p.

85.

Statua aurum calcans. p. 91.

Statua Jovis marmorea. p. 53.

Studio cui incumbendum. p.

80.

Surdus, & loquax. p. 102.

T

T Abe laborans.

Taurorum agitatio. p. 5.

Thefaurus, & scæmina. p. 77.

Timor, & spes.

Titulos librorum laudans.

Tormentum reorum. p. 63.

Tranquillitas vitæ. p. 63.


Vale;

V

- V Alctudo, & honor. p. 77.
 Variolarum cicatrices. p. 71.
 Venator ex lapsu exanimatus.
 p. 37.
 Venator senex. p. 32.
 Veris tempestas p. 49.
 Vini potor acerrimus. p. 37.
 Virtus colenda. p. 92.
 Virtus non semper pretio ha-
 bita. p. 60.
 Virtus vera. p. 79.
 Virtutis pretium.
 Virtus augetur præmiis. p. 61.
 Virtute carentes. p. 76.
 Vita otiosa. p. 63.
 Vitæ tranquillitas. p. 40.
 Vitia, & morbi. p. 73.
 Vitiosus homo. p. 80.
 Vitiorum fuga p. 74.
 Ultio p. 83.
 Voluptas trahit homines. p. 64.
 Votum Apollini. p. 14.
 Votum Cereri. p. 20.
 Votum Junoni. p. 25.
 Votum Neptuno. p. 4.
 Votum pro amico navem
 conscendente. p. 23.
 Uvarum munusculum amico.
 missum. p. 28.
 Uxor qualis habenda. p. 66.
 Uxor impudica. p. 98.
 Uxor marito sepulchrum conf-
 truens. p. 51.

F I N I S.

ERRATA. CORRECTA.



pag. 2. Adeste
 pag. 15. Aulæ
 pag. 41. Caucaffa
 pag. 3. Magistatem

Adeste:
 Aula.
 Caucafiâ.
 Magistatem.



